



第一冊

樊川文集不分卷外集一卷別集一卷拾遺一卷
李端集四卷拾遺一卷

樊川文集

胡氏藏本

中書舍人杜牧字牧之

阿房宮賦

六王畢四海一蜀山兀阿房出覆壓三百餘里隔離天日
 驪山北構而西折直走咸陽二川溶溶流入宮牆五步一
 樓十步一閣廊署縵_{莫旦切}迴簷牙高啄各抱地勢鉤心鬪
 角盤_{烏困}烏_{烏蜂}房水渦蟲_{勅六切}不知乎幾千萬落長
 橋卧波未嘗何龍樓道行空不霽何虹高低冥迷不知東
 西歌臺暖響春光融舞殿冷袖風雨凄一日之內一
 杜牧

宮之間而氣候不齊妃嬪媵嬙王子皇孫辭樓下殿輦來
于秦朝歌夜絃為秦宮人明星熒々開粧鏡也綠雲擾々
梳曉鬟也渭流漲膩棄脂水也煙斜霧橫焚椒蘭也雷霆
乍驚宮車迴也轉々遠聽杳不知其所之也一肌一容盡
態極妍縵立遠視而望幸焉有不見者三十六年燕趙之
收藏韓魏之經營齊楚之精英幾世幾年標掠其人倚疊
如山一旦有不能輸來其間鼎鑄玉石金塊珠礫棄擲憑
逆秦人視之亦不甚惜嗟乎一人之心千萬人之心也秦
愛紛奢人亦念其家柰何取之盡錙銖用之如泥沙使負

棟之柱多於南畝之農夫架梁之椽多於機上之工女釘
頭磷々多於在庾之粟粒瓦縫參差多於周身之帛縷直
欄橫檻多於九土之城郭管絃嘔唾多於市人之言語使
天下之人不敢言而敢怒獨夫之心日益驕固戾卒叫函
谷舉楚人一炬可憐焦土滅六國者六國也非秦也族秦
者秦也非天下也嗟乎使六國各愛其人則足以拒秦使
秦復愛六國之人則逆三世可至萬世而為君誰得而族
滅也秦人不暇自哀而後人哀之後人哀之而不鑑之亦
使後人而復哀後人也

望故園賦

余固秦人兮故園秦地念歸途之幾里訴余心之未歸兮
雖繫日而安至既操心之大謬欲當時之奏技一固薄兮
豈易售矧將來之歲幾人固有尚珠金印節人固有為背
憎面悅擊短扶長曲邀橫結吐片言兮千口莫窮觸一机
而百關俱發嗟小人之顛蒙兮尚何念於逸越余之思歸
兮走杜陵之西道巖曲天深地平木老隴雲秦樹風高霜
早周臺漢園斜陽暮草寂寥四望蜀峰聯嶂葱龍氣佳蟠
聯地壯繚紛堞於綺城轟未央於天上月出東山苔扉向

闕長烟苒惹寒冰注灣遠林雞犬兮樵夫夕還織有桑兮
耕有土昆令季強兮鄉黨附悵余心兮捨茲而何去憂豈
無念一至謂何憤愠悽情顧我則多萬世在上兮百世居
後中有一生兮孰為壽天生既不足以紉佩兮顧他務之
織小賦言歸兮余之忘世徒為兮紛擾

晚晴賦并序

秋日晚晴樊川子目于郊園見大者小者有狀類者故書
賦云雨晴秋容新沐兮忻遠園而細履面平池之清空兮
紫閣青橫遠來照水如高堂之上見羅幕兮垂乎鏡裏木

勢黨伍兮行坳即者如迎偃者如醉高者如達低者如政
松數十株切、交風如冠劍大臣國有急難庭立而議竹
林外裏兮十萬丈夫甲刃從、切七恭密陣而環侍豈負軍
令之不敢罵兮何意氣之嚴毅復引舟于深灣忽八九之
紅芰婉然如婦斂然如女墮葉黥於切顏似見放棄白鷺
潛來兮邈風標之公子窺此美人兮如慕悅其容媚雜花
參差於岸側兮絳綠黃紫格頑色賤兮或妾或婢間草甚
多叢者東兮靡者杳兮仰風獵日如立如笑兮千、萬、
之狀容兮不可得而狀也若予者則為何如倒冠落珮兮

典世濶踈教、休、兮真狗其愚而隱居者乎

感懷詩一首時滄州用兵

高文會隋季提劍狗天意扶持萬代人步驟三皇地聖云
繼之神、仍用文治德澤酌生灵沉酣薰骨髓旋頭騎箕
尾風塵薊門起胡兵殺漢兵屍滿咸陽市宣皇走豪傑譚
咲開中否蟠聯兩河間焮萌終不弭號為精兵處齊蔡燕
趙魏合環千里疆爭為一家事逆子嫁虜孫西隣聘東里
急熱同手足唱和如宮徵法制自作為禮文爭僭擬墜階
螭鬪角畫屋龍交尾署紙日替名分財賞稱賜劄隍歟呼

切萬尋繚垣疊千雉誓將付孱孫血絕然方已九廟伏神
靈四海為輸委如何七十年汗絕含羞耻韓彭不再生英
衛皆為鬼凶門爪牙輩穰穰如兒戲累聖但日吁聞外將
誰寄屯田數十萬隄防常惴惴急征赴軍須厚賦資凶器
因隳畫一法且逐隨時利流品極蒙尤網羅漸離起夷狄
日開張黎元愈憔悴邈矣遠太平蕭然盡煩費至于貞元
末風流恣綺靡艱極泰循來元和聖天子元和聖天子英
明湯武上茅茨覆宮殿封章綻帷帳伍旅拔雄兒夢卜庸
真相勃雲走轟霆河南一平盪繼于長慶初燕趙終昇襁

携妻負子來北闕爭頭顱故老撫兒孫尔生今有望茹鯁
喉尚隘負重力未壯坐幄無奇兵吞舟漏竦網骨添薊垣
沙血漲哮洩浪抵云徒有征安能問無狀一日五諸侯奔
亡如鳥往取之難梯天失之易反掌蒼然太行路翦還
榛莽閔西賤男子擔肉虜杯羹請數條虜事誰其為我聽
蕩：乾坤大曠：日月明叱起文武業可以豁洪溟安得
封域內長有扈苗征七十里百里彼亦何常爭往念所
至得醉愁蘇醒齟舌辱壯心叫閭無助声聊書感懷韻楚
之遺賈生

杜秋娘詩 并序

杜秋金陵女也年十五為李錡妾後錡叛滅籍之宮有宥
於景陵穆宗即位命秋為皇子傅姆皇子壯封漳王鄭注
用事誣丞相欲去已者指王為根王被罪廢削秋因賜歸
故鄉予過金陵感其窮且老為之賦詩

京江水清滑生女白如脂其間杜秋者娘不勞朱粉施老滯

即山鑄後庭千城眉秋持玉掌醉一作飲典唱金縷衣勸君

金縷衣勸君須惜少年時花開堪折直須折
莫待無花空折枝李錡長唱此辭滯既白首叛

秋亦紅淚滋吳江落日渡灞岸綠楊垂聯裾見天子馬普

切眇莫見切獨依一椒壁懸錦幕鏡奩蟠蛟螭低鬟認新宥

窈窕一作窈復融怡月上白璧門桂影涼參差金階露新重

間捻紫蕭吹晉書盜開涼州張駿塚得紫玉簫蒨苔夾城路南苑鴈初飛

紅粉羽林仗獨賜辟邪旗歸來煮豹胎饜飫不能飽咸池

昇日慶銅雀分香悲雷音後車遠事往落花時燕謀得皇

子壯髮綠綫一作透畫堂授傅姆天人親捧持虎睛珠絡

襍金盤犀鎮帷長楊射熊羆一作館武帳弄咿咿漸拋竹馬

劇一作戲稍出舞雞奇斲一整冠佩侍宴坐瑤池眉宇儼齒

畫神秀射朝暉一尺桐偶人江克知自欺王幽茅土削秋

放故鄉歸觚稜拂斗極回首尚遲々四朝三十載似夢復
疑非潼關識舊吏吏髮已如絲却喚吳江渡舟人那得知
歸來四隣改茂苑草菲々清血灑不盡仰天知問誰寒衣
一疋素夜借隣人机我昨金陵過聞之為歔歔自古皆一
貫变化安能推夏姬滅兩國逃作巫臣妻西子下姑蘇一
舸逐鴟夷織室魏豹俘作漢太平基誤置代藉中兩朝尊
母儀光武紹高祖本係生唐見珊瑚破高齊作婢舂黃糜
蕭后去揚州突厥為閼氏女子固不定士林亦難期射鈞
後呼父釣翁王者師無國要孟子有人毀仲尼秦因逐客

令柄歸丞相斯安知魏齊首見斷續中屍給喪蹙張華廊
廟冠峩危珥貂七葉貴何妨我戎虜支蘇武却生邊鄧通終
死饑主張既難測翻覆亦其宜地盡有何物天外一作高復
何之指何為而捉足何為而馳耳何為而聽目何為而窺
已身不自曉此外何思維因傾一樽酒題作杜秋詩愁來
獨長詠聊可以自貽

郡齋獨酌

黃州作

前年鬢生雪今年鬢戴霜時節序鱗次古今同鴈行甘英
窮西海四萬到洛陽東南我所見北可計幽荒中畫一萬

國角、碁布方地頑壓不穴天迴老不僵屈指百萬世過
如霹靂忙人生落其內何者為彭殤促來自繫縛儒衣寬
且長旗亭雪中過敢問當壚娘我愛李侍中標、七尺強
白羽八扎弓脛壓綠檀槍風前畧橫陣紫髯分兩傍淮西
萬虎士怒目不敢當功成賜宴麟德殿爰起鶻掠廣毬場
三千宮女側頭看相排踏碎隻明璫旌竿慄、旗燿、意
氣橫鞭歸故鄉我愛朱處士三吳當中央罷亞名稻百傾稻
西風吹半黃尚可活鄉里豈唯滿困倉後嶺翠撲、前溪
碧泱、霧曉起鳧鴈日晚下牛羊叔舅欲飲我社甕爾來

嘗伯姊子欲歸彼亦有壺漿西阡下柳塢東陌繞荷塘姻
親骨肉舍煙火遙相望太守政如水長官貪似狼征輸一
云畢任爾自存亡我昔造其室羽儀鳶鶴翔交橫碧流上
竹映琴書牀出語無近俗堯舜禹武湯問今天子少誰人
為棟梁我曰天子聖晉公提紀綱聯兵數十萬附海正誅
滄謂言大義小不義取易卷席如探囊犀甲吳兵鬪弓弩
虺矛燕騎馳鋒鏃豈知三載几百戰鈞車不得望其牆荅
云此山外有事同胡羗誰將國伐叛話典釣魚即溪南重
迴首一逕出脩篁爾來十三歲載斯人未曾忘往、自撫已

淚下神蒼茫御史詔分洛舉趾何猖狂闕下諫官業拜疏
無文章尋僧解幽夢乞酒緩愁腸豈為妻子計未去山林
歲平生五色線願補舜衣裳絃歌教燕趙蘭芷浴河湟腥
膾一掃灑兇狼皆披攘生人但眠食壽域富農桑孤吟志
在此自亦笑荒唐江唐雨初零刀好截秋光池邊成獨酌
擁鼻菊枝香醺酣更唱太平曲仁聖天子壽無疆

張好好詩并序

牧太和三年佐故吏部沈公江西幕好好年十三始以善
歌來樂籍中後一歲公移鎮宣城復置好好於宣城籍中

後二歲為沈著作述師以隻鬟納之後二歲於洛陽東城
重覩好好感舊傷懷故題詩贈之

君為豫章姝十三終有餘翠茁鳳生尾丹葉蓮含跗高閣
倚天半章江聯碧虛此地試君唱特使華筵鋪主公顧四
座始訝來踟躕吳娃起引贊任徊映長裾隻鬟可高下纔
過青羅襦吟乍垂袖一声離鳳呼繁絃迸關細塞管裂
圓蘆衆音不能逐裊々穿雲衢主人再三嘆謂言天下殊
贈之天馬錦副以水犀梳龍沙看秋浪明月遊東湖自此
每相見三日已為踈玉質隨月滿艷態逐春舒絳脣漸輕

巧雲步轉虛徐旌旆忽東下笙歌隨舳艫霜凋謝樓樹沙
暖句溪滿滯身外任塵土樽前極懽娛飄然集仙客著作嘗
任集賢
校諷賦欺相如聘之碧瑤珮載以紫雲車洞閉水聲遠月
高蟾影孤爾來未幾歲散盡高陽徒洛城重相見倬々為
當壚惟我苦何事少年垂白鬚朋遊今在否落拓更能無
門館慟哭後水雲秋景初斜日掛衰柳涼風生座隅灑盡
滿衿淚短歌聊一書

冬至日寄小侄阿宜詩

小侄名阿宜未得三尺長頭圓筋骨緊兩臉明且光去年

學官人竹馬遶四廊指揮群兒輩意氣何堅剛今年始讀
書下口三五行隨兄旦夕去斂手整衣裳去歲冬至日拜
我立我旁祝爾願爾貴仍且壽命長今年我江外今日生
一陽憶爾不可見祝爾傾一觴陽德比君子初生甚微茫
排陰出九地萬物隨開張一似小兒學日就復月將勸
不自已二十能文章仕官至公相致君作堯湯我家公相
家劍珮嘗丁當舊第開朱門長安城中中央第中無一物萬
卷書滿堂家集貳百編上下馳皇王多是撫州寫今來五
紀強尚可與爾讀助爾為賢良經書刮根本史書閱興亡

高摘屈宋艷濃薰班馬香李杜泛浩、韓柳摩蒼、近者
四君子典古爭強梁願爾一祝後讀書日、忙一日讀十
紙一月讀一箱朝廷用文治大開官職場願爾出門去取
官如駟羊吾兄苦好古學問不可量晝居府中治夜歸書
滿牀後貴有金玉必不為汝藏崔昭生崔芸李兼生宦郎
堆錢一百屋破散何披猖今雖未即死饑凍幾欲僵叅軍
與縣尉塵土驚動音勳臣勦音穰一語不中治笞箠身滿瘡官罷
得絲髮好買百樹桑稅錢未輸足得米不敢嘗願爾聞我
語懽喜入心腸大明帝宮闕杜曲我池塘我音若自潦倒看

汝爭翱翔惚語諸小道此詩不可忘

李甘詩

本和八九年訓注極虺虎潛身九地底轉上青天去四海
鏡清澄千官雲片縷公私各閑暇追遊日相伍豈知禍亂
根枝葉潛滋莽九年夏四月天誠若言語烈風駕地震擗
雷駟猛雨夜於正殿階拔去千年樹吾君不省覺二函日
威武操持北斗柄開閉天門路森々明廷度士縮々循墻鼠
平生負名節一旦如奴停虜指名為鈞黨成跡誰告訴喜無
李杜誅敢悼髡鉗苦時當秋夜月日直日庚午喧々皆傳

言明晨相登注子時典和鼎官班各持券和長候予去我死有安所當建衆設書退立以是君門曉日開赭案橫霞布

儼雅千官容勃鬱吾纒怒適屬命麟將昨之傳者誤明

日詔書下謫斥南荒去夜登青泥坂墜車傷左股病妻尚

在牀稚子初離乳幽蘭思楚澤恨水啼湘渚恍々三閭魂

悠々一千古其冬日况敗渙汗開湯罍賢者須喪亡諗人

尚堆堵予於後四年諫官事明主常欲雪幽冤於時一裨

補拜章豈難難魏難膽薄多憂懼如何干斗氣竟作炎荒土題

此涕滋筆以代投湘賦

洛中送冀處士東遊

處士有儒術走可挾車輶壇宇寬帖々符彩高酋々不愛

事耕稼不樂干王侯四十餘年中過々為浪遊元和五六

歲客于幽魏州幽魏多壯士意氣相淹留劉濟願跪履田

興請建籌處士拱两手笑之但掉頭自此南走越尋山入

羅浮願學不死藥粗知其來由却于童項上蕭々玄髮抽

我作八品吏洛中如繫囚忽遭冀處士豁若登高樓拂榻

典之坐十日語不休論今星璨々考古寒颼々治亂掘根

本蔓延去相牽鈞武士何駿壯文理何優柔顏回捧俎豆

項羽橫戈矛祥雲繞毛髮高浪開咽喉但可感鬼神安能

為獻酌好入天子夢刻像來爾求胡為去吳會欲浮滄海
舟贈之蜀馬箠副之胡蜀來餞酒載三斗東郊黃葉稠我
感有淚下君唱高歌酌嵩山高萬尺洛水流千秋往事不
可問天地空悠悠四百年炎漢三十代宗周二三里遺堵
八九所高丘人生一世內何必多悲愁謔闕解携去信非
吾輩流

送沈處士赴蘇州李中丞招以詩贈行

山城樹葉紅下有碧溪水溪橋向吳路酒旗誇酒美下馬
此送君高謔為君醉念君苞材能百工在城壘空山三十

年鹿裘挂窓睡自言隴西公飄然我知己舉酒屬吳門今
朝為君起懸弓三百斤囊書數萬紙戰賊即戰賊為吏即
為吏盡我所有無惟公之指使予曰隴西公滔々大君子

常一作當

思掄群材一為國家治譬如匠見木礙眼皆不棄

大者簷十圍小者細一指搢切結概與棟梁施之皆有位

忽然豎明堂一揮立能致予亦何為者亦受公恩紀處士
常有言殘虜冠為犬豕常恨兩手空不得一馬箠今依隴西
公如虎傅兩翅公非刺史材當坐巖廊地處士魁竒姿必
展平生志東吳饒風光翠嶽多名寺踈烟臺々秋獨酌平

生思因書問故人能忘批紙尾公或憶姓名為說都憔悴

長安送友人遊湖南

子性劇弘和愚衷深褊猶相捨翬說中吾過何由鮮楚國

饒風烟湘岸苦縈宛山密夕陽多人稀芳草遠青梅繁枝

低班笋新梢短莫哭奠魚人酒醒且眠餓飯

皇風

仁聖天子神且武內興文教外披穰以德化人漢文帝側

身修道周宣王遠暗蹊巢穴盡室塞礼樂刑政皆弛張何

當提筆待巡狩前駟白旆弔河湟

雪中書懷

臘雪一尺厚雲凍寒頑癡孤城大澤畔人踈烟火微憤排

欲誰語憂愠不能持天子號仁聖任賢如事師允稱曰治

具小大無不施明庭開廣敞才雋受羈維如日月鉅公曾切

昇若鳶鳳歲蕤人才自朽下棄去亦其宜北虜壞亭障聞

屯千里師牽連久不解他盜恐旁窺臣實有長策彼可徐

鞭笞如蒙一召議食肉寢其皮斯乃廟堂事爾微非爾知

向來躡等語長作陷身机行當臘欲破酒齊去不可遲具

想春候暖甕間傾一卮

雨中作

賤子本幽慵多為雋賢侮得州荒僻中更值連江雨一褐
擁秋寒小窓侵竹塢濁醪氣色嚴皤腹瓶罍古酣天地
寬况稔劉伍但為適性情豈是歲鱗羽一世一萬朝
朝醉中去

偶遊石盞僧舍 宣州作

敬岑草浮光句沁水解脉益鬱乍怡融凝嚴忽頽拆梅額
暖眠酣風緒和無力鳧浴漲江雖嬌村暮幕落日美樓
臺輕烟飾阡陌漱綠古津遠積潤苔基釋孰謂漢陵人來

作江汀客載筆念無能捧籌慙所書任戀偶追閑逢幽果
遭適僧語淡如雲塵事繁堪織今古幾輩人而我何能息

赴京初入汴口曉景即事先寄兵部李郎中

清淮控隋漕北走長安道檣影櫓斜浪態迤迤徒何好

初旭紅可染明河澹如掃澤潤鳥來遲村飢人語早露蔓
虫絲多風蒲燕鷁老秋思高蕭客愁長裊因懷京洛
間官遊何戚草什伍持津梁瀕湧爭追討翺便去詎可尋
幾秘安能考小人之馨香上下將何禱唯有君子心顯豁
知幽抱

獨酌

長空碧杳，萬古一風鳥。生前酒伴間愁醉，間多少烟深。
隋家寺殿葉暗，相照獨佩一壺遊。秋豪泰山小。

惜春

春半年已除，其餘強為有。即此醉殘花，便同嘗臘酒。悵望
送春盃，殷勤掃花筵。誰為駐東流。年長在手。

題安州浮雲寺樓寄湖州張郎中

去夏^去踈雨餘，同倚朱欄語。當時樓下水，今日到何處。恨如
春草多事，與孤鴻去。楚岸柳何窮，別愁紛若絮。

過驪山作

始皇東遊出周鼎，劉項縱觀皆引頸。削平天下實辛勤，却
為道旁窮百姓。黔首不愚爾亦愚，千里函關囚獨夫。牧童
火入九泉底，燒作灰時猶未枯。

池州送孟遲先輩

昔子來陵陽，時當苦炎熱。我雖在金臺，頭角長垂折。奉披
塵意驚立語，平生豁寺樓。寂寥軒坐送飛鳥，沒一罇中夜
酒。半破前峯月，烟院松飄蕭。風廊竹交戛，時步郭西南。繚
徑苔圓折，好鳥響丁丁。小溪光汎汎，
普八切籬落見娉婷。機

絲弄啞軋煙濕樹姿嬌雨餘山態活仲秋往歷陽同上牛
磯歇大江吞天去一練橫坤抹千帆美滿風曉日殷鮮血
歷陽裴太守襟韵苦超越鞞鼓畫麒麟看君擊狂節離袖
颺應勞恨粉啼還烟咽明年忝諫官綠樹秦川濶子提健筆
來勢若夸父渴九衢林馬搗千門織車轍秦壘其壘破心膽點
陣驚毛髮子既屈一鳴余固宜三則慵憂長者來病怯長
街喝僧炉風雪夜相對眠一褐暖仄重權瓶曉粥還分鉢
青雲馬生角黃州使持節秦嶺望樊川祇得迴頭別商山
四皓祠心典樗蒲說大澤蕪葭風孤城孤兔窟且復考詩

書無因見簪笏古訓屹如山古風冷刮骨周鼎列瓶罌荆

璧橫拋檄

蘇割切

力盡不可取忽忽狂歌發三年未為苦兩

郡非不達秋浦倚吳江去檄飛青鶻溪山好畫圖洞壑深
閨闥竹岡森羽林花塢團宮纈景物非不佳獨坐如鞞紲
丹鵲東飛來喃喃送君札呼兒旋去供衫走門空踏襪手
把一枝物桂花香帶雪喜極至無言笑餘翻不悅人生直
作百歲翁亦是萬古一瞬中我欲東召龍伯翁上天揭取
北斗柄蓬萊頂上幹海水盡到底看海空月於何處去
日於何處來跳丸相趁走不住堯舜禹湯文武周孔皆為

灰酌此一盃酒與君狂且謔離別豈足更闌意衰老相隨
可柰何

重送

手撚金僕姑腰懸玉轆轤音起音頭峯北正好去係取可汗
鉗作奴六宮雖念相如賦其那防邊重武夫

題池州美水亭

美水亭前溪颭灩翠綃舞綺席草芊芊紫嵐峯伍伍螭蟠
得形勢暈飛如軒戶一鏡奩曲堤萬丸跳猛雨檻前燕馮
栖枕上已帆去叢筠侍脩廊密蕙媚幽圃杉樹碧為幢花

駢紅作堵停樽遲

去晚月咽

上幽渚

客舟

耿孤

灯

萬里

人夜語漫流眉苔槎饑鳧曠雪羽玄絲落鈎

鈎

餌冰鱗

看吞

吐斷霓天

披垂

狂燒

漢旗

怒曠

朗半

秋曉

蕭瑟

好風

露光

潔疑可攬

欲以襟

懷貯

幽抱

吟九

歌羈

情思

湘浦

四時

皆

異狀終日

為良

遇小

山浸

石稜

撐舟

入幽

處孤

謔倚

桂巖

晚酒眠

松塢

紆餘

帶竹

村蠶

御足

砧杵

膝泉

落環

珮畦

差纂組

風俗

知所

尚豪

強耻

狐侮

隣喪

不相

春公

租無

詬

負農

時貴

伏臘

簪瑱

事禮

賂鄉

校富

華禮

征行

產強

弩不

能自

勉去

但媿

來何

暮故

園漢

上林

信美

題宣州開元寺 寺置于東晉時

南朝謝朓城東吳冢深處前國去如鴻遺寺歲烟塢樓飛
九十尺廊環四百柱高下中風繞松桂樹青苔照朱
閣白鳥兩相語溪声入僧夢月色暉粉堵閱景無旦夕憑
欄有今古留我酒一罇前山看春雨

大雨行

開成三年宣州開元寺作

東垠黑風駕海水海底卷上天中央三吳六月忽悽慘晚
後點滴來蒼茫錚棧雷車軸轍壯矯躩蛟龍爪尾長神鞭
鬼馭載陰帝來往噴灑何顛狂四面崩騰玉京仗萬里橫

牙羽林槍雲纏風束亂敲磕黃帝未勝蚩尤強百川氣勢
苦豪俊坤閏密鑠愁開張大和六年亦如此我時壯氣神
洋々東樓簪首看不足恨無羽翼高飛翔盡召邑中豪健
者濶展朱盤開酒場奔觥槌鼓助声勢眼底不顧纖罽娘
今年鬪茸髮已白竒遊壯觀唯深歲景物不盡人自老誰
知前事堪悲傷

自宣州赴官入京路逢裴垣判官歸宣州因題贈

敬亭山下百頃竹中有詩人小謝城々高跨樓滿金碧下
聽一溪寒水声梅花落徑香繚繞雪白玉璫花下行紫風

酒旆挂朱閣半醉遊人聞弄笙我初到此未三十頭腦鈿
利筋骨輕畫堂檀板秋拍碎一引有時聯十觥老聞晉下
丈二組塵^土高懸千載名重遊鬢白事皆改唯見東流春
水平對酒不敢起逢君還眼明雲壘看人捧波臉任他橫
一醉六十日古來聞阮生是非離別際始見醉中情今日
送君話前事高謔引劍還一傾江湖酒伴如相問終老烟
波不計程

贈宣州元處士

陵陽北郭隱身世兩忘者蓬蒿三畝居寬于一天下樽酒

對不酌默與玄相話人生自不足愛嘆遭逢寡

村行

春半南陽西柔桑^通過村鳩娉^々垂柳風點^々迴塘雨蓑唱
牧牛兒籬窺舊裙女半濕解征衫主人饋雞黍

史將軍^{二首}

長鉦周都尉間如秋嶺雲取螯孤登壘以駢隣翼軍百戰
百勝價河南河北間今遇太平日老去誰憐君
吐氣蓋燕趙耽^々魁傑人彎弧五百步長戟八十斤河湟
非內地安史有遺塵何日武臺坐兵符授虎臣

華清宮三十韻

繡嶺明珠殿層密下繚牆仰窺雕檻影猶想赭袍光昔帝
登封後中原自古強一千年際會三萬里農桑几席延堯
舜軒墀立禹湯雷霆馳號令星斗煥文章釣築乘時用芝
蘭在處芳北扉閒木索南面富循良至道思玄圃平居厭
未央鈞陳襄巖谷文陛壓青蒼歌吹千秋節樓臺八月涼
神仙高縹緲環珮碎丁當泉暖涵睽鏡雲嬌惹粉囊嫩嵐
滋翠葆清渭照紅粧帖泰生靈壽懽娛歲序長月聞仙曲
調霓作舞衣裳雨露偏金穴乾坤入醉鄉玩兵師漢武廻

手倒干將鯨鬣掀東海胡牙揭上陽喧呼馬嵬血零落羽
林槍傾國留無路還魂怨有香蜀峯橫慘澹秦樹遠微茫
鼎重山難轉天扶業更唱望賢餘遠故老花萼舊池塘往事
人誰問幽襟淚獨傷碧簷斜送日殷葉半凋霜迸水傾瑤
砌踈風罅玉房塵埃羯鼓索片段荔枝筐鳥啄摧寒木蝸
涎蠹畫梁孤煙知客恨遙起秦秦陵傍

長安雜題長句六首

觚稜金碧照山高萬國珪璋捧赭袍紙筆和鈔欺賈馬讚
功論道鄙蕭曹東南樓日珠簾卷西北天宛玉厄豪

詩曰
偉章

金厄蓋
小環 四海一家無一事將軍攜鏡泣霜毛

晴雲似絮惹低空紫陌微弄袖風韓媽金丸莎覆綠許
公羈汗杏粘紅煙生窈窕深東第輪撼流蘇下北宮自笑
苦無樓護智可憐鈿槩竟何功

雨晴九陌鋪江練嵐嫩千峯疊海濤南苑草芳眠錦雉夾
城雲暖下霓旄少年羈絡青紋玉遊女花簪紫蒂桃江碧
柳深人盡醉一瓢顏巷日空高

東帶謬趨文石陛有章曾拜皂囊封期嚴無柰睡留癖勢
窮猶為酒泥慵偷釣侯家池上雨醉吟隋寺日沉鐘九原

可作吾誰典師友瑯琊那曼容

洪河清渭天池濬太白終南地軸橫祥雲輝映漢宮紫春
光繡畫秦川明草妬佳人鈿朶色風迴公子玉銜聲六飛
南幸芙蓉苑十里飄香入夾城

豐貂長組金張革駟馬文衣許史家白鹿原頭迴獵騎紫
雲樓下醉江花九重樹影連清漢萬壽山光學翠華誰識
大君謙讓德聖上不一毫名利闔毒墓

河湟

元載相公曾借箸憲宗皇帝亦留神旋見衣冠就東市忽

遺弓劍不西巡牧羊駟馬雖戎服白髮丹心盡漢臣唯有
涼州歌舞曲流傳天下樂閒人

許七侍御棄官東歸瀟灑江南頗聞自適高秋企
望題詩寄贈十韻

天子繡衣吏東吳羨退居有園同庾信避事學相如蘭畹
晴香嫩筠溪翠影踈江山九秋後風月六朝餘錦肆開詩
軸青囊結道書霜巖紅薜荔露沼白芙蓉睡雨高梧密碁
燈小閣虛凍醪元亮秋寒鱸李鷹魚塵意迷今古雲情識
卷舒他年雪中棹陽羨訪吾廬於義興縣近有水榭

李給事二首

一章緘拜皂囊中慄慄朝廷有古風元禮去歸緱氏學李

退罷歸緱氏教授生徒給事論鄭注告滿歸潁陽江充來見火臺宮鄭注對於浴室紛紜

白晝驚千古鉄鎖朱殷幾一空曲突徒薪人不會海邊今

作釣魚翁

晚髮悶還梳憶君秋醉餘可憐劉校尉曾訟石中書給事因忤

仇軍容棄官東歸消長雖殊事仁賢每見如因看魯褒論何處是

吾廬

題永崇西平王宅太尉愬院六韻

天下無雙將關西第一雄授符黃石老學劍白猿翁矯

雲長勇恂々却殺風家呼小太尉國號大梁公

太尉季弟司徒德亦

封梁國公半夜龍驤去中原虎穴空隴山兵十萬嗣子握琯弓

今鳳翔李尚書太尉長子

東兵長句十韻

上黨爭為天下脊邯鄲四十萬秦坑狂童何者欲專地聖
主無私豈翫兵玄象森羅搖北落詩人章句詠東征雄如
馬武皆彈劍少似終軍亦請纓屈指廟堂無失策垂衣堯
舜待昇平羽林東下雷霆怒楚甲南來組練明即墨龍文

光照曜常山虬陣勢縱橫落鵬都尉萬人敵黑稍將軍一

鳥輕漸見長圍雲欲合可憐窮壘帶猶縈凱歌應是新年

唱便逐春風浩々聲

過勤政樓

千秋佳節名空在承露絲囊世已無唯有紫苔偏稱意年
年因雨上金鋪

題魏文貞

蟭蛄寧與雪霜期賢哲難教俗士知可憐貞觀太平後天
且不留封德彝

早春閣下寓直蕭九舍人亦直內署因寄書懷四韻

御水初銷凍宮花尚怯寒千峯橫紫翠雙闕凭欄干玉漏輕風順金莖淡日殘王喬在何處清漢正駢鸞

秋晚與沈十七舍人期遊樊川不至

邀侶以官解泛然成獨遊川光初媚日山色正矜秋野竹踈還密巖泉咽復流杜村連滴水晚步見垂鈎

念昔遊

十載飄然繩檢外樽前自獻自為酬秋山春雨雨間吟處倚

遍江南寺樓

雲門寺越州外逢猛雨林黑山高兩脚長曾奉郊宮為近侍

分明樓先勇羽林槍切

李白題詩水西寺宣州涇縣古木迴巖樓閣風半醒半醉遊三

日紅白花開山雨中

今皇帝陛下詔徵兵不日功集河湟諸郡次第
歸降臣獲覩聖功輒獻歌詠

捷書皆應睿謀期十萬曾無一鏃遺漢武慚誇朔方地宣
王休道太原師威加塞外寒來早恩入河源凍合遲聽取

滿城歌舞曲涼州聲韻喜參差

奉和白相公聖德和平致茲休運歲終功就合詠

盛明呈上三相公長句四韻

行看臘破好年光萬壽南山對未央
點憂可汗修職貢文
思天子復河湟應頌日御西巡守不假星孤北射狼吉甫

裁詩歌盛業一篇江漢羨宣王

過華清宮絕句三首

長安迴望繡城堆山項千門次第開
一騎紅塵妃子笑無人知是荔枝來

新豐綠樹起黃埃數騎漁陽探使迴
帝使中使輔瑒琳探祿山反否瑒琳受祿

山金言祿山不反霓裳一曲千峯上舞破中原始下來

萬國笙歌醉太平倚天樓殿月分明
雲中亂拍祿山舞風過重巒下笑聲

登樂遊原

長空澹、孤鳥沒萬古銷沉向此中
看取漢家何似業五陵無樹起秋風

聞慶州趙縱使君典賞項戰中箭身死長句

將軍獨乘鐵驄馬榆溪戰中金僕姑死綏却是古來有驕

將自驚今日無青史文章爭點筆朱門歌舞笑捐軀誰知
我亦輕生者不得君王丈二尺時珠切

送容州中丞赴鎮

交趾同星座龍泉似斗文燒香翠羽帳看舞鬱金裙躅首
衝瀧浪犀渠拂嶺雲莫教銅柱北空說馬將軍

夏州崔常侍自少常亞列出領麾幢十韻

帝命詩書將登壇禮樂卿三邊要高枕萬里得長城對客
猶褒搏填門已旆旌腰間五綬貴天下一家榮野水差新
燕芳郊哢夏鷺別風嘶玉勒殘日望金莖榆塞孤煙媚銀

川綠草明戈矛虓虎士弓箭落鵬兵魏絳言堪採陳湯事
偶成若須垂竹帛靜勝是功名

街西長句

碧池新漲浴嬌鴨分鏢長安富貴家遊騎偶同人鬪酒名
園相倚杏交花銀鞦褭鼻嘶宛馬繡鞅琤瓏走鈿車一曲
將軍何處笛連雲芳樹日初斜

春申君

烈士思酬國士恩春申誰與快寬寬三千賓客總珠履欲
使何人殺李園

相如死後無詞客，延壽亡來絕畫工。
玉顏不是黃金少，淚滴秋山入壽宮。
此一首奉陵宮人

讀韓杜集

杜詩韓集愁來讀，似倩麻姑癢處抓。
天外鳳凰誰得髓，無人解合續弦膠。

春日言懷寄號州李常侍十韻

岸蘚生紅藥，巖泉漲碧塘。
地分蓮嶽秀，草接鼎原芳。
南派音滌急風畦，芷若香織蓬。
眠舸艤驚夢，起駕鴛論吐開水室詩。
陳曝錦張貂，簪荆玉潤丹穴鳳毛光。
子弟新登甲科

今日還珠守，何年執戟郎。
且嫌遊晷短，莫問積薪場。
無計披清裁，唯持祝壽觴。
願公如衛武，百歲尚康強。

李侍郎於陽羨里富有泉石，牧亦於陽羨粗有薄產，叙舊述懷，因獻長句四韻。

冥鴻不下非無意，塞馬歸來是偶然。
紫綬公卿今放曠，白頭郎吏尚留連。
終南山下拋泉洞，陽羨溪中買釣舡。
欲與明公操履杖頭聞，休去是何年。

贈李處士長句四韻

玉函怪牒鎖靈篆，紫洞香風吹碧桃。
老翁四目牙爪利，擲

火萬里精神高靄々祥雲隨步武纍々秋冢嘆蓬蒿三山
朝去應非久姹女當臨繡羽袍

送國碁王逢

王子紋楸一路饒宥宜簷雨竹蕭々羸形暗去春泉長板
勢橫來野火燒守道還如周伏柱塵兵不羨霍嫖姚得羊
七十更萬日典子期於局上銷

重送絕句

絕藝如君天下少聞人似我世間無別後竹窓風雪夜一
燈明暗覆吳圖

少年行

連環羈玉聲光碎綠錦蔽泥虬卷高春風細雨走馬去珠
落璀々白蜀袍

春和門下相公送西川相公兼領相印出鎮全蜀

詩十八韻

盛葉冠伊唐台階翊戴光無私天雨露有截舜衣裳蜀輟
新衡鏡池留舊鳳凰同心真石友寫恨幾何梁虎騎搖風
旆貂冠韻水蒼彤弓隨武庫金印逐文房棧壓嘉陵咽峯
橫劍閣長前駟二星去開險五丁忙迴首崢嶸盡連天草

樹芳丹心懸魏闕往事愴甘棠治化輕諸葛威聲懾夜郎
君平教說卦天子召升堂塞接西山雪橋維萬里播奪霞
紅錦爛撲地酒爐香忝逐三千客曾依數仞墻滯頑堪白
屋攀附亦同行肉管伶倫曲簫韶清廟章唱高知和寡小
子斐然狂

朱坡

下杜鄉園古泉聲繞舍啼靜思長慘切薄宦典卑睽北闕
千門外南山午谷西倚川紅葉嶺連寺綠楊堤迫野翹霜
鶴澄潭舞錦雞濤驚堆萬岫舸急轉千溪眉點萱牙嫩風

條柳幄迷岸藤稍虺尾沙渚印麕蹄火燎湘桃塢波光碧

繡畦日痕紅

胡官切

翠嶽

陂影墮晴霓

壁

爛斑蘚銀筵豈

窺泥洞雲生片段苔徑繚高低偃蹇松公老森嚴竹陣齊

小蓮娃欲語幽笋稚相攜漢館留餘址址周臺接故蹊蟠蛟

崗隱々班雉草萋々樹老蘿紆組巖深石啓閨侵窓紫桂

茂拂面翠禽棲有計冠終挂無才筆謾提自塵何太甚休

笑觸藩羝

早春寄岳州李使君李善棊愛酒倩地間雅

城高倚峭巘地勝足樓臺朔漠暖鴻去瀟湘春水來縈盈

幾多思掩抑若為裁
返照三聲角寒香一樹梅
烏林芳草遠赤壁健帆開
往事空遺恨東流豈不迴
分付潁川政弔屈洛陽才
拂匣調珠柱磨鉛勘玉杯
棊翻小窟勢壚撥凍醪
醪詩云為此春酒以介眉壽注云東醪此興予非薄何時得奉陪

送王侍御赴夏口座主幕

君為珠履三千客我是青衿七十徒
禮數全優知愧始討論常見念回愚
黃鶴樓前春水濶一杯還憶故人無

自貽

社陵蕭次君遷少去官頻寂寞憐吾道
依稀似古人飾心

無彩績到骨是風塵自嫌如疋素
刀尺不由身

自遣

四十已云老况逢憂窘餘
旦抽持板手却展小年書
嗜酒狂嫌阮知非晚笑遽聞流
寧嘆吒待俗不親踈遇事知裁
剪操心識卷舒還稱二千石於我
意何如

題桐葉

去年桐落故溪上把葉因題歸燕詩
江樓今日送歸燕正是去年題葉時
葉落燕歸真可惜東流玄髮且無期
笑筵歌席反惆悵朗月清風見別離
在叟彭殤同在夢陶潛身

世兩相遺一丸五色成虛語石爛松薪更莫疑哆尺也侈
不勞文似錦進趨何必利如錐錢神任尔知無敵酒重於
吾亦庶幾江畔秋光蟾閣鏡檻前山翠茂陵眉樽香輕泛
數枝菊簷影斜侵半局碁休指宦遊論巧拙祇將愚直禱
神祇三吳煙水平生念寧向間人道所之

沈下賢

斯人清唱何人和草徑苔蕪不可尋一夕小敷山下夢水
如環珮月如襟

李和鼎

鵬鳥飛來庚子直謫去日蝕辛卯年由來枉死賢才事消
長相持勢自然

贈沈學士張歌人

拖袖事當年即教唱客前斷時輕裂玉收處遠緜煙孤直
緜雲定光明滴水圓泥去聲情遲急管流恨咽長絃吳苑春
風起河橋酒旆懸憑君更一醉家在杜陵邊

憶遊朱坡四韻

秋草樊川路斜陽覆盡門獵逢韓嫣騎樹識館陶園帶雨
經荷沼盤煙下竹材如今歸不得自戴望天盆

朱坡絕句三首

故國池塘倚御渠，江城三詔換魚書。
賈生辭賦恨流落，祇向長沙住歲餘。
文帝歲餘思賈生

煙深苔巷唱樵兒，花落寒輕倦客歸。
藤岸竹州相掩映，滿地春雨鷓鴣飛。

乳肥春洞生鸞管，沼避迴巖勢犬牙。
自笑卷懷頭角縮，歸盤煙磴恰如蜗。

出宮人二首

閒吹玉殿昭華管，醉折^黎園縹蒂花。
十年一夢歸人世，絳

縷猶封繫臂紗

平陽拊背穿馳道，銅雀分香下壁門。
幾向綴珠深殿裏，妬拋羞態卧黄昏。

長安秋望

樓倚霜樹外，鏡天無一毫。
南山與秋色，氣勢兩相高。

獨酌

窓外正風雪，擁爐開酒缸。
何如釣舫雨蓬底，睡秋江。

醉眠

秋醪雨中熟，寒齋落葉中。
幽人本多睡，更酌一罇空。

不飲贈酒

細弄人生事彭殤共一籌典愁爭底事要爾作戈矛

昔事文皇帝三十二韻

昔事文皇帝叨官在諫垣奏章為得地齟齬負明恩金虎
知難動毛釐亦耻言撩頭雖欲吐到口却成吞照膽常懸
鏡窺天自戴盆周鍾既寃櫛胡化切黥陣亦瘢痕鳳闕舳舻
影仙盤曉日暎雨晴文石滑風暖戟衣翻每慮號無告長
憂駭不存隨行反戶部唯跼踏出語但寒喧宮省咽喉任戈
矛羽衛屯光塵皆影附車馬定西奔億萬持衡價錙銖挾

契論堆時過北斗積處滿西園接棹隋河溢連蹄蜀棧利
漉空滄海水搜盡卓王孫闔巧猴雕刺誇矯索掛跟狐威
假白額鼻嘯得黃昏馥芝蘭圃森枳棘藩吹聲嗾國
猗公議怯膺門竄逐諸丞相蒼茫遠帝閣一名為吉士誰
免弔湘魂問世英明主中興道德尊崑崗憐積火河漢注
清源川口隄防決陰車鬼恠掀重雲開朗照九地雪幽冤
我實剛腸者形甘短褐髡曾經觸虿尾猶得凭熊軒杜若
芳洲翠巖光釣瀨喧溪山侵越角封壤盡吳根客恨縈春
細鄉愁壓思繁祝堯千萬壽再拜揖餘樽

道一大尹存之學士庭美學士簡千聖明自致霄
漢皆典舍弟昔年還往牧支離窮悴竊於一麾書
美歌詩兼自言志因成長句四韻呈上三君子
九金神鼎重丘山五玉諸侯雜珮環星座通霄狼臘暗戍
樓吹笛虎牙間斗間紫氣龍埋獄天上洪爐帝鑄顏若念
西河舊交友魚符應許出函關

杏園

夜來微雨洗芳塵公子驂驄步貼勻莫怪杏園鷓鴣去滿
城多少插花人

春晚題韋家亭子

擁鼻侵襟花草香高臺春去恨茫茫
薦紅半落平池晚曲渚飄成錦一張

過田家宅

安邑南門外誰家板築高奉誠園裏地墻缺見蓬蒿

見宋拾遺題名處感而成詩

竄逐窮荒典死期餓唯蒿藿病無醫憐君更抱重泉恨不
見崇山謫去時

雪晴訪趙蝦街西所居三韻

命代風騷將誰登李杜壇少陵鯨海動翰苑鶴天寒今日
訪君還有意三條冰雪獨來看

將赴吳興登樂遊原一絕

清時有味是無能閒愛孤雲靜愛僧欲把一麾江海去樂
遊原上望昭陵

洛陽長句二首

草色人心相與閒是非名利有無間橋橫落照虹堪畫樹
鏤千門鳥自還芝蓋不來雲杳々仙舟何處水潺潺君王
謙讓泥金事蒼翠空高萬歲山

天漢東穿白玉京日華浮動翠光生橋邊遊女珮環委波
底上陽金碧明月鏤名園孤鶴唳川酣秋夢鑿龍聲連昌
繡嶺行宮在玉輦何時父老迎

洛中監察病假滿送韋楚老拾遺歸朝

洛橋風暖細翻衣春引仙官去玉墀獨鶴初冲太虛日九
牛新落一毛時行開教化期君是卧病神祇禱我知十載
丈夫堪耻處朱雲猶掉直言旗

東都送鄭處誨校書歸上都

悠悠渠水清雨霽洛陽城槿墮初開艷蟬聞第一聲故人

容易去白髮等閒生此別無多語期君晦盛名

故洛陽城有感

一片官牆當道危行人為汝去遲遲
筆圭苑裏秋風後平樂館前斜日時
銅黨豈能留漢鼎清談空解識胡兒
千燒萬戰坤靈死慘心終年烏雀悲

揚州三首

煬帝雷塘

上

迷藏有舊樓誰家唱水調明月滿揚州

煬鑿汴河

自造

駿馬宜閒出千金好暗遊喧闐醉年少半脫紫茸裘

秋風放螢苑春草鬪雞臺金絡擎鵬去鸞環拾翠來蜀舡

紅錦重越橐水沉堆處皆華表淮王柰却迴

街垂千步柳霞映兩重城天碧臺閣麗風涼歌管清纖腰
間長袖玉珮雜繁纓拖軸誠為壯豪華不可名自是荒淫
罪何妨作帝京

潤州二首

句吳亭東千里秋放歌曾作昔年遊青苔寺裡無馬跡綠
水橋邊多酒樓大抵南朝皆曠達可憐東晉寂風流月明
更想桓伊在一笛閒吹出塞愁

謝朓詩中佳麗地夫差傳裏水犀軍城高鐵瓮橫強弩

潤州

城孫權築柳暗朱樓多夢雲盡角愛飄江北去釣歌長向
月中聞揚州塵土試迴首不惜千金借典君

題揚州禪智寺

雨過一蟬噪飄蕭松桂秋青苔滿階砌白鳥故遲留暮藹
生深樹斜陽下小樓誰知竹西路歌吹是揚州

西江懷古

上吞巴漢控瀟湘怒似連山淨鏡光魏帝縫囊真戲劇符
堅投筭更荒唐千秋釣舸歌明月萬里沙鷗弄夕陽范蠡
清塵何寂寞好風唯屬往來商

江南懷古

車書混一業無窮井邑山川今古同戊辰年向金陵過惆
悵間吟憶庾公

江南春絕句

千里鶯啼綠映紅水村山郭酒旗風南朝四百八十寺多
少樓臺烟雨中

將赴宣州留題揚州禪智寺

故里溪頭松柏雙來時盡日倚松窓杜陵隋苑已絕國秋
晚南遊更渡江

題宣州開元寺水閣
下宛溪夾溪居人

六朝文物草連空
天澹雲間今古同
鳥去鳥來山色裏
人歌人哭水聲中
深秋簾幕千家雨
落日樓臺一笛風
惆悵無因見范蠡
參差煙樹五湖東

宣州送斐坦判官往舒州時牧欲赴官歸京

日暖泥融雪半銷
行人芳草馬聲驕
九華山路雲遮寺
清弋江村柳拂橋
君意如鴻高的的
我心懸旆正搖搖
同來不得同歸去
故國逢春一寂寥

句溪夏日送盧霽秀才歸王屋山將欲赴舉

野店正分泊
繭蠶初引絲
行人碧溪渡
繫馬綠楊枝
冉冉跡始去
悠悠心所期
秋山念君別
惆悵桂花時

自宣城赴官上京

蕭灑江湖十過秋
酒盃無日不遲留
謝公城畔溪驚夢
蘇小門前柳拂頭
千里雲山何處好
幾人襟韻一生休
塵冠挂却知閒事
終把蹉跎訪舊遊

春末題池州弄水亭

使君四十四
西佩左銅魚
為吏非為吏
論書讀底書
晚花紅艷靜
高樹綠陰初
亭宇清無比
溪山畫不如
嘉賓能嘯

詠官妓巧粧梳逐日愁皆碎隨時醉有餘
偃頰求五鼎陶
祇愛吾廬趣向人皆異賢豪莫笑渠

登池州九峯樓寄張祐

百感^中來不自由角聲^目孤起夕陽樓
碧山終日思無盡芳
草何年恨即休睫在眼有長不見道非身外更何求
誰人
得似張公子千首詩輕萬戶侯

齊安郡晚秋

柳岸風來影漸踈使君家似野人居
雲容水態還堪賞嘯
志歌懷亦自如雨暗殘燈棊欲散酒醒孤枕鴈來初
可憐

赤壁爭雄渡唯有蓑翁坐釣魚

九日齊安登高

江涵秋影鴈初飛典客攜壺上翠微
塵世難逢開口笑菊
花須插滿頭歸但將醕酌酌佳節不用登臨恨落暉
古往
今來只如此牛山何必獨霑衣

池州春送前進士荆希逸

芳草復芳草斷腸還斷腸自然堪下淚何必更殘陽
楚岸
千萬里燕鴻三四行有家歸不得况舉別君觴

齊安郡中偶題二首

兩竿落日溪橋上半縷輕煙柳影中多少綠荷相倚恨一
時迴首背西風
秋聲無不攬離心夢澤蕪葭楚雨深自滴塔前大梧葉干
君何事動哀吟

齊安郡後池絕句

菱透浮萍綠錦池夏鷺千轉弄薔薇盡日無人看微雨鴛
鴦相對浴紅衣

題齊安城樓

鳴軋江樓角一聲微陽灑落寒汀不用憑欄苦迴首故

鄉七十五長亭

池州李使君沒後十一日處州新命始到後見歸
妓感而成詩

縉雲新命詔初行總是孤魂壽器成黃壤不知新雨露粉
書空換舊銘旌巨卿哭處雲空斷阿鷺歸來月正明多少
四年遺愛事鄉閭生子李為名

見劉秀才與池州妓別

遠風南浦萬重波未似生離恨別多楚管能吹柳花怨吳
姬爭唱竹枝歌金釵橫處綠雲墮玉筍凝時紅粉和待得

枚臯相見日自應粧鏡笑蹉跎
池州廢林泉寺
廢寺碧溪上顏垣倚亂峯看
栖歸樹鳥猶想過山鍾石路
尋僧去此生應不逢

憶齊安郡

平生睡足處雲夢澤南州
一夜風欺竹連江雨送秋
格卑常汨力學強悠悠終掉塵中手瀟湘釣漫流

池州清溪

弄溪終日到黃昏照數秋
來白髮根何物賴君千遍洗筆

頭塵土漸無痕

遊池州林泉寺金碧洞

袖拂霜林下石稜潺湲聲斷滿溪水
携茶臘月遊金碧合有文章病茂陵

即事黃州作

因思上黨三年戰間詠周公七月詩
竹帛未聞書死節丹青空見畫靈旗
蕭條井邑如魚尾早晚干戈識虎皮
莫笑一麾東下計滿江秋浪碧參差

贈李秀才是上公孫子

骨清年少眼如水鳳羽參差五色層天上麒麟時一下人間不獨有餘陵

寄李起居四韻

楚女梅簪白雪姿前溪碧水凍醪時雲壘心凸知難捧鳳管簧寒不受吹南國劍眸能盼盼侍臣香袖愛傲垂自憐窮律窮途客正劫孤燈一局碁

題池州貴池亭

勢比凌歊宋武臺分明百里遠帆開蜀江雪浪西江滿強半春寒去却來

蘭溪在蘄州西

蘭溪春盡碧泱泱映水蘭花兩發香楚國大夫憔悴日應尋此路去瀟湘

睦州四韻

州在釣臺邊溪山實可怜有家皆掩映無處不潺湲好樹鳴幽鳥晴樓入野煙殘春杜陵客中酒落花前

秋晚早發新定

解印書千軸重陽酒百缸涼風滿紅樹晚月下秋江巖壑會歸去塵埃終不降懸纓未敢濯嚴瀨碧淙淙

除官歸京睦州雨霽

秋半吳天霽清凝萬里光水聲侵笑語嵐翠挨衣裳遠樹
凝羅帳孤雲認粉囊溪山侵兩越時節到重陽顧我能甘
賤無由得自強悞曾公觸尾不敢夜循牆豈意籠飛鳥還
為錦帳郎網今開傳燮書舊識黃香曾在史館四年婉女真虛語
飢兒欲一行淺深須揭厲休更學張綱

夜泊桐廬先寄蘇臺廬郎中

水檻桐廬館歸舟繫石根笛吹孤戍月犬吠隔溪村十載
違清戴幽懷未一論蘇臺菊花節何處典開樽

新轉南曹未叙朝散初秋暑退出守吳興書此篇
以自見志

捧詔汀洲去全家羽翼飛喜拋新錦帳榮借舊朱衣且免
材為累何妨拙有機宋株聊自守魯酒怕旁園清尚寧無
素光陰亦未晞一盃寬幕席五字弄珠璣越浦黃甘嫩吳
溪紫蟹肥平生江海志佩得左魚歸

題白蘋洲

山鳥飛紅帶亭微折紫花溪光初透徹秋色正清華靜處
知生樂喧中見死誇無多珪組累終不負煙霞

題茶山在宜興

山實東吳秀茶稱瑞草魁剖符雖俗吏脩貢亦仙才溪盡
停蠻棹旗張卓翠苔柳村穿窈窕松澗渡喧豗等級雲峯
峻寬平洞府開拂天聞笑語特地見樓臺泉嫩黃金湧山有
金沙泉修貢牙香紫壁裁拜章期沃日輕騎疾奔雷舞袖
出羅貢既絕嵐侵澗歌聲谷荅迴磬音藏葉鳥雪豔照潭梅好是全家
到廉為奉詔來樹陰香作帳花徑落成堆景物殘三月登
臨愴一盃重遊難自尅俛首入塵埃

茶山下作

春風最窈窕日曉柳村西嬌雲光占岫健水鳴分溪燎巖
野花遠憂瑟幽鳥啼把酒坐芳草亦有佳人攜

入茶山下題水口草市絕句

倚溪侵嶺多高樹誇酒書旗有小樓驚起鴛鴦豈無恨一
雙飛去却迴頭

春日茶山病不飲酒因呈賓客

笙歌登畫船十日清明前山秀白雲膩溪光紅粉鮮欲開
未開花半陰半晴天誰知病太守猶得作茶山

不飲贈官妓

芳草正得意汀洲日欲西無端千樹柳更拂一條谿幾朵
梅堪折何人手好攜誰憐佳麗地春恨却悽

早春贈軍事薛判官

雪後新正半春來四刻長晴梅朱粉豔嫩水碧羅光絃管
開雙調花鈿坐兩行唯君莫惜醉認取少年場

代吳興妓春初寄薛軍事

霧冷侵紅粉春陰撲翠鈿自悲臨曉鏡誰與惜流年柳暗
霏微雨花愁黯淡天金釵有幾隻袖當酒家錢

八月十二日得替後移居雪溪館因題長句四韻

萬家相慶喜秋成處、樓臺歌板聲千歲鶴歸猶有恨一
年人住豈無情夜涼溪館留僧話風定蘇潭看月生景物
登臨間始見願為間客此間行

初冬夜飲

淮陽冬病偶求懽客袖侵霜典燭盤砌下梨花一堆雪明
年誰此凭欄干

栽竹

本因遮日種却似為溪移歷、羽林影疎、煙露姿蕭騷
寒雨夜敲劫客八反晚風時故國何年到塵冠挂一枝

梅

輕盈照溪水掩斂下瑤臺妬雪聊相比欺春不逐來偶同
佳客見似為凍醪開若在秦樓畔為弄玉媒

山石榴

似火山榴映小山繁中能薄艷中間一朵佳人玉釵上祇
疑燒却翠雲鬟

柳長句

日落水流西復東春光不盡柳何窮巫娥廟裏低含雨宋
玉宅前斜帶風莫將榆莢共爭翠深感杏花相映紅灞上

漢南千萬樹幾人遊宦別離中

隨堤柳

夾岸垂楊三百里祇應圖畫家相宜自嫌流落西歸疾不
見東風二月時

柳絕句

數樹新開翠影齊倚風情態被春迷依々故國樊川恨半
掩村橋半掩溪

獨柳

含煙一株柳拂地搖風久佳人不忍折悵望迴纖手

早鴈

金河秋半虜絃開
雲外驚飛四散哀
仙掌月明孤影過
長門燈暗數聲來
須知胡騎紛紛在
豈逐春風一一迴
莫厭瀟湘少人處
水多菰米岸莓苔

鷓鴣

芝莖抽紺趾
清唳擲金梭
日翅閒張錦
風池去冒羅
靜眠依翠荇
暖戲折高荷
山陰豈無爾
鷓鴣字換群鴛

鸚鵡

華堂日漸高
雕檻繫紅緇
故國隴山樹
美人金剪刀
避籠

交翠尾
罅嘴靜
新毛不念三絨事
世途皆爾曹

鶴

清音迎晚月
愁思立寒蒲
丹頂西施頰
霜毛四皓鬚
碧雲行止躁
白鷺性靈麤
終日無群伴
溪邊弔影孤

鷓鴣

擾々復翻々
黃昏颺冷煙
毛欺皇后髮
聲感楚姬絃
蔓壘盤風下
霜林接翅眠
祇如西旅樣
頭白豈無緣

鷺鷥

雪衣雪髮青玉臂
群捕魚兒溪影中
鷺飛遠映碧山去一

樹梨花落晚風

村舍

漢官一百四十五多下珠簾閉瑣牕何處營巢夏將半茅
簷煙裏語雙

歸燕

畫堂歌舞喧地社去社來人不看長是江樓使君伴黃
昏猶待倚欄干

傷猿

獨折南園一朵梅重尋幽坎已生苔無端晚吹驚高樹似

裊長枝欲下來

還俗老僧

雪髮不長寸秋寒力更微獨尋一徑葉猶挈納殘衣日暮
千峯裏不知何處歸

斫竹

寺廢竹色死官家寧爾留霜根漸隨斧風玉尚馱秋江南
苦吟客何處送悠

將赴湖州留題亭菊

陶菊手自種楚蘭心有期遙知渡江日正是擷芳時

折菊

籬東菊徑深折得自孤吟雨中衣半濕擁鼻自知心

雲

盡日看雲首不迴無心都大似無才可憐光彩一片玉萬里晴天何處來

醉後題僧院

離心忽、復悽、雨晦傾瓶取醉况可羨高僧共心語一如攜穉往東西

題禪院

觥船一棹百分空十歲青春不願公今日鬢絲禪榻畔茶煙輕颺落花風

哭李給事中敏

陽陵郭門外坡陀丈五墳九泉如結友茲地好埋君

朱雲葬陽

陵郭外

黃州竹筵關

竹濁蟠小徑屈折關馳來三年得歸去知遠幾千迴

題敬愛寺樓

暮景千山雪春寒百尺樓獨登還獨下誰會我悠々

送劉秀才歸江陵

綵服鮮華覲渚宮，鱸魚新熟別江東。
劉郎浦夜侵船月，宋玉亭春弄袖風。
落落精神終有立，飄飄才思杳無窮。
誰人世上為金口，借取時人一薦雄。

見吳秀才典池妓別因成絕句

紅燭短時羌笛怨，清歌咽處蜀絃高。
萬里分飛兩行淚，滿江寒雨正蕭騷。

湖南正初招李郢秀才

行樂及時時已晚，對酒當歌不成。
千里暮山重疊翠，一

溪寒水淺深情高，人以飲為忙事。
浮世除詩畫強名，看蒼白鬚牙欲吐。
雪舟相訪勝閒行。

贈朱道靈

劉根丹篆三千字，邵璞青囊兩卷書。
牛渚磯南謝山北，白雲深處有巖居。

屏風絕句

屏風周做畫，纖腰歲久丹青色。
半銷斜倚玉牕鸞，髮女拂塵猶自妬嬌饒。

哭韓綽

平明送奠上都門
紉髮交橫逐去魂
歸來冷笑悲身事
喚婦呼兒索酒盆

新定途中

無端偶效張文紀
下杜鄉園別五秋
重過江南更千里
萬山深處一孤舟

題新定八松院小石

兩滴珠璣碎苔生
紫翠重故關
何日到且看小三峯

往年隨故府吳興
公夜泊蕪湖口
今赴官西去再宿蕪湖
感舊傷懷因成十六韻

南指陵陽路東流
似昔年重恩山未
蒼雙鬢雪飄然數
仞慚投跡群公愧
拍肩駕駘蒙錦繡
塵土浴潺湲韶隗
黃金峻虞卿白壁
鮮貌貅環玉帳
鷲鵠破蠻戩極浦
沉碑會秋花落帽
筵旌旗明迥野冠
珮照神仙籌畫言
何補優容道實全
謳謠人撲地雞犬
樹連天紫鳳超如
電青襟散似煙蒼
生未經濟墳草已
芊綿往事唯沙月
孤燈但客船峴山
雲影畔棠葉水聲
前故國還歸去浮
生亦可憐高歌一
曲淚明日夕陽邊

懷鍾陵舊遊四首

一謁征南最少年
虞卿雙璧截肪鮮
歌謠千里春
長暖絲管高臺月
正圓玉帳軍籌羅俊彥
絳帷環珮立神仙
陸公餘德棧雲在
如我酬恩合執鞭

又

滕閣中春綺席開
柘枝蠻鼓殷晴雷
垂樓萬幕青雲合
破浪千帆陣馬來
未掘雙龍牛斗氣
高懸一榻棟梁材
連已控越知何有
珠翠沉檀處一堆

又

十頃平湖堤柳合
岸秋蘭芷綠纖
一聲明月采蓮女
四

面朱樓卷畫簾
白鷺煙分光的
微漣風定翠泔泔

徒兼切

斜輝更落西山影
千步虹橋氣象兼

又

控壓平江十萬家
秋來江靜鏡新磨
城頭晚鼓雷霆後
橋上遊人笑語多
日落汀痕千里色
月當樓午一聲歌
昔年行樂穠桃畔
醉與龍沙棟蜀羅

臺城曲二首

整、復斜、隨旗簇晚沙
門外韓擒虎樓頭張麗華
誰憐容足地却羨井中鼃

又

玉頌兵勢急鼓下坐蠻奴激灩倪塘水
又牙出骨鬚乾爐一炬火迴首是平無

江上兩寄崔碣

春牛平江兩圓文破蜀羅聲眠蓬底客
寒濕釣來蓑暗澹遮山遠空濛着柳多
此時懷一恨相望意如何

罷鍾陵幕吏十三年來泊湓浦感舊為詩

青梅雨中熟檣倚酒旗邊故國殘春夢
孤舟一褐眠搖遠堤柳暗十程煙南
奏鍾陵道無因似昔年

商山麻澗

雲光嵐彩四面合柔柔垂柳十餘家
雉飛鹿過芳草遠牛巷雞埒春日斜
秀眉老父對樽酒售袖女兒簪野花
征車自念塵土計惆悵溪邊書細沙

商山富水驛

驛本名典陽諫議同姓名因此改為富水驛

益戇猶來未覺賢終須南去弔湘川
當時物議朱雲小後代聲華白日懸
邪佞每思當面唾清貧長欠一盃錢
驛名不合輕移改留警朝天者惕然

丹水

何事苦縈迴離腸不自裁恨身隨夢去春態逐雲來沉定
藍光徹喧盤粉浪開翠巖三百尺誰作子陵臺

題武關

碧溪留我武關東一笑懷王跡自窮鄭袖嬌饒酣似醉屈
原憔悴去如蓬山墻谷整依然在弱吐強吞盡已空今日
聖神家四海戎旗長卷夕陽中

除官赴關商山道中絕句

水疊鳴珂樹如帳長楊春殿九門珂我來惆悵不自決欲
去欲住終如何

漢江

溶溶漾漾白鷺飛綠淨春深好染衣南去北來人自去夕

陽長送釣船歸

襄陽雪夜感懷

往事起獨念飄然自不勝前灘急夜響密雪映寒燈的
三年夢迢迢一綫縵明朝楚山上莫上最高層

詠歌聖德遠懷天寶因題關亭長句四韻

聖敬文思業太平海寰天下唱歌行秋來氣勢洪河壯霜
後精神泰華擗廣德者強朝萬國用賢無敵是長城君王

若悟治皮論安史何人敢弄兵

途中作

綠樹南陽道千峯勢遠隨碧溪風澹態芳樹雨餘安野渡
雲初暖征人袖半垂殘花不一醉行樂是何時

重到襄陽哭亡友常壽朋

故人墳樹立秋風伯道無見跡更空重到笙歌分散地隔
江吹笛月明中

赤壁

折戟沉沙鐵未銷自將磨洗認前朝東風不與周即便銅

雀春深鏤二喬

雲夢澤

日旗龍旆想飄揚一索功高縛楚王直是超然五湖客未
知終始鄆汾陽

除官行至昭應聞友人出官因寄

賤子來千里明公去一麾可能休涕淚豈獨感恩知草木
秋風後山川落照時如何望故國驅馬却遲遲

寄浙東韓又評事

一笑五雲溪上舟跳丸日月十經秋鬢衰酒減欲誰泥跡

辱魂慚好自尤夢寐幾迴迷
峽蝶文章應廣畔
牢愁無窮
塵土無聊事
不得清言解不休

泊秦淮

煙籠寒水月籠沙
夜泊秦淮近一作寄酒家
商女不知亡國

恨隔江猶唱後庭花

秋浦途中

蕭蕭山路窮
秋雨浙浙溪風一岸蒲
為問寒沙新到鴈
來時還下杜陵無

題桃花夫人廟

即息夫人

細胷宮裏露
桃新脉脉無言度
幾春至竟息亡緣
底事可憐金谷墮樓人

初春有感寄歙州邢負外

雪滿前溪水啼聲已繞灘
梅衰未減態春嫩不禁寒
跡去夢一覺年來事百般
聞君亦多感何處倚欄干

書懷寄中朝往還

平生自許少塵埃
為吏塵中勢自迴
朱紱久慚官借典
白頭還嘆老將來
須知世路難輕進
豈是君門不大開
霄漢幾多同學伴
可憐頭角盡卿材

寄崔鈞

緘書報子玉為我謝平津自愧掃門士誰為乞火人詞呂
陪羽獵戰將騁駢隣兩地差池恨江汀醉送君

初春雨中舟次和州橫江裴使君見迎李趙二秀

才同來因書四韻兼寄江南許渾先輩

芳草渡頭微雨時萬株楊柳拂波垂蒲根水暖鴈初浴梅
徑香寒蜂未知辭客倚風吟黯黯淡使君迴馬濕旌旗江南
仲蔚多情調悵望春陰幾首詩

和州絕句

江湖醉度十年春牛渚山邊六問津歷陽前事知何實高
位紛々見陷人

題烏江亭

勝敗兵家事不期包羞忍耻是男兒江東子弟多才俊捲
土重來未可知

題橫江館

孫家兄弟晉龍驤馳騁功名業帝王至竟江山誰是主蒼
磯空屬釣魚郎

寄澧州張舍人笛

髮勻內好生春嶺截玉鑽星寄使君檀的染時痕半月落
梅飄處響穿雲樓中威鳳傾冠聽沙上驚鴻掠水分遙想
紫泥封詔罷夜深應隔禁牆聞

寄揚州韓綽判官

青山隱隱水迤迤秋盡江南草木凋二十四橋明月夜玉
人何處教吹簫

送李群玉赴舉

故人別來面如雪一榻拂雲秋影中玉白花紅三百首五
陵誰唱典春風

送薛種遊湖南

賈傳松醪酒秋來美更香憐君片雲思一

去瀟湘

題壽安縣甘棠館御溝

一渠東注芳華苑苑鑲池塘百歲空水殿半傾蟾口澁為
誰流下蓼花中

汴河懷古

錦纜龍舟隋煬帝平臺複道漢梁王遊人間起前朝念折
柳孤吟斷殺腸

汴河阻凍

千里長河初凍時
玉珂瑤珮響參差
浮生恰似冰底水
日夜東流人不知

酬張祜處士見寄長句四韻

七子論詩誰似公
曹劉須在指揮中
薦衡昔日知文學

狐令

相公曾表薦處士

乞火無人作蒯通
北極樓臺長掛夢
西江波浪

遠吞空可憐
故國三千里
虛唱歌詞滿六宮

處士詩曰故國三千里深

官二十年一聲河滿子隻淚落君前

寄宣州鄭諫議

大夫官重醉江東
蕭灑名儒振古風
文石陛前辭聖主
碧

雲天外作冥鴻
五言寧謝顏光祿
百歲須齊衛武公
再拜宜同大人行
過庭交分有無同

題元處士高亭

宣州

水接西江天外聲
小齋松影拂雲平
何人教我吹長笛
與倚春風弄月明

鄭瓘協律

廣文遺韻留櫺散
雞犬圖書共一舡
自說江湖不歸事
阻風中酒過年年

題籌筆驛

江東矜割據，下奪孤婺霸。略非匡漢宏，圖欲佐誰奏。書
辭後主仗劍出，全師重襲襄。斜路懸開反正旗，欲將苞有
截必使舉無遺。沉慮經謀際，揮毫決勝時。圜觚當分畫，前
著比操持。山秀扶英氣，川流入妙思。筭成功在毅，運去事
終虧。命屈天方賦，人亡國自隨。艱難推舊姓，開創極初基。
揔歎曾過地，寧探作教資。若歸新曆數，誰復顧衰危。報德
兼明道，長留識者知。

和野人殷潛之題籌筆驛十四韻

三吳裂婺女，九錫獄孤兒。霸主業未半，本朝心是誰。永安

宮受詔籌筆驛，沉思畫地乾坤在。濡毫勝負知艱難，同草
創得失計毫釐。寂默經千慮，分明渾一期。川流縈智思，山
聳助扶持。慷慨匡時畧，從容問罪師。襄中秋鼓角，渭曲晚
旌旗。仗義懸無敵，鳴攻固有辭。若非天奪去，豈復慮能支。
子夜星終落，鴻毛鼎便移。郵亭世自換，白日事長垂。何處
躬耕者，猶題殄瘁詩。

垂題絕句一首

郵亭寄人世人世，寄郵亭何如自籌度。鴻路有冥冥。

送陸濟節中棄官東歸

少微星動照春雲
魏闕衡門路自分
倏去忽來應有意
世間塵土謾疑君

寄珉笛典宇文舍人

調高銀字聲還側
物比柯亭韻校奇
寄與玉人天上去
相將軍見不教吹

寄內兄和州崔負外十二韻

歷陽崔太守何日
不言情恩義同鍾李

李膺鍾瑤中外兄弟少相善及頃

箎實弟兄光塵能
混合擘畫最分明
臺閣仁賢譽閨門
孝友聲西方像教
毀南海繡衣行

為嶺南坊寺副使

金索寧迴顧珠

簞肯一棖祇宜裁
密詔何自取專城
進退無非道徊翔
必有名好風初婉
軟離思苦縈盈金
馬舊遊貴祠廬春
水生兩侵寒牖夢
梅引凍醪傾共祝
中興主高歌唱太
平

遣興

鏡弄白鬚須如何
作老夫浮生長勿
勿兒小且鳴：恐
過事堪喜泰來憂
勝無治平心徑熟
不遣有窮途

早秋

踈雨洗空曠秋標
驚意新大熱去酷
吏清風來故人罇
酒酌未酌曉花頻
不頻銖秤典縷雪
誰覺老陳

秋思

熱去解鉗鈇飄蕭秋半時微雨池塘見好風襟袖知髮短
梳未足枕涼間且歇平生分過此何事不參差

途中一絕

鏡中絲髮悲來慣衣上塵痕拂漸難惆悵江湖釣竿手却
遮西日向長安

春盡途中

田園不事來遊宦故國誰教爾別離獨倚闌亭還把酒一
年春盡送春詩

題村舍

三樹稚桑春未到扶牀乳女午啼饑潛銷暗鏢歸何處萬
指侯家自不知

代人寄遠

六言二首

河橋酒旆風軟候館梅花雪嬌宛陵樓上瞪目我即何處
情饒

又

繡領任垂蓬鬢丁香間結春梢賸肯新年歸否江南綠草
過

閨情

娟々却月眉新鬢學鵝飛暗砌勻檀粉晴梳畫夾衣袖紅
垂寂寞眉黛斂依稀還向長陵去今宵歸不歸

舊遊

閒吟芍藥詩悵望久頻眉盼眇迴眸遠織衫整髻遲重尋
春晝夢笑把淺花枝小市長陵住非郎誰得知

寄遠

隻影隨鷺鴈單栖鎖畫籠向春羅袖薄誰念舞臺風

簾

徒云逢剪削豈謂見偏裝鳳節輕雕日鸞花薄飾香問屏
何屈曲憐悵解周防下瀆金階露斜分碧瓦霜沉々伴春
夢寂々侍華堂誰見昭陽殿真珠十二行

寄題甘露寺北軒

曾向蓬萊宮裏行北軒欄檻畱情孤高堪弄柏伊笛縹
緲宜聞子晉笙天接海門秋水色煙籠隋苑暮鍾聲他年
會着荷衣去不向山僧道姓名

題青雲館

虬蟠千仞劇羊腸天府由來百二強四皓有芝輕漢祖張

儀無地與淮王雲連帳影蘿陰合枕遠泉聲客夢涼深處
會容高尚者水苗三頃百株桑

郡中有懷寄上睦州員外十三兄歙州刺史邢群
城枕溪流淺更斜麗譙連帶邑人家經冬野菜青
色未
臘山梅樹
花雖免瘴雲生嶺上永無京信到天涯如今
歲晏從羈滯心喜彈冠事不賒

正初奉酬歙州刺史邢群

翠巖千尺倚溪斜曾得嚴光作釣家越嶂遠分丁字水
臘梅遲見二年花明時刀尺君須用幽處田園我有涯一壑

風烟陽羨里解龜休去路非賒

江上偶見絕句

楚鄉寒食橘花時野渡臨風駐綵旗草色連雲人去住水
紋如縠燕差池

題水蘭廟

彎弓征戰作男兒夢裏曾經典畫眉幾度思歸還把酒拂
雲堆上祝明妃

入商山

早入商山百里雲藍溪橋下水聲分流水舊聲人舊耳此

迴嗚咽不堪聞

偶題

甘羅昔作秦丞相子政曾為漢輦郎千載更逢王侍讀當
時還道有文章

送盧秀才一絕

春瀨與煙遠送君孤棹開潺湲如不改愁更釣魚來

醉題

金鑷洗霜鬢銀觥敵露桃醉頭扶不起三丈日還高

題商山四皓廟一絕

呂氏強梁嗣子柔我於天性豈恩讐南軍不袒左邊袖四
老安劉是臧劉

送隱者一絕

無媒徑路草蕭蕭自古雲林遠市朝公道世間唯白髮貴
人頭上不曾饒

題張處士山莊一絕

好鳥疑敲磬風蟬認軋箏與嘉樹偏倚巖生

有懷重送斛斯判官

蒼煙月滿川亭我有勞歌一為聽將取離魂隨白騎三

台星裡拜文星

贈別

娉、袅、十三餘豈蕊梢頭二月初春風十里揚州路卷
上珠簾恁不知
多情却似恁無情唯覺樽前笑不成蠟燭有心還惜別替
人垂淚到天明

寄遠

前山極遠碧雲合清夜一聲白雪微欲寄相思千里月溪
邊殘照兩霏

九日

金英繁亂拂欄香明府辭官酒滿缸還有玉樓輕薄女笑
他寒燕一雙

寄牛相公

漢水橫衝蜀浪分危樓點的拂孤雲六年仁政謳歌去柳
遠春隄處、聞

為人題贈 二首

我之奇表雲稱君無買笑金虛傳南國貌爭奈五陵心桂席
塵瑤珮瓊鑪燼水沉凝魂輕宜薦夢低耳悔聽琴日日落珠簾

卷春寒錦幕深誰家樓上笛何處月明砧蘭徑飛蝴蝶筠
籠語翠襟高和簪拋鳳髻將淚入鴛衾的一新添恨迢迢絕
好音文園終病渴休詠白頭吟
綠樹鶯一語平江燕一飛枕前聞去一鴈樓上送春歸半月
絙雙臉凝膏素一圍西牆苔漠一南浦夢依一有恨簪花
懶無慘關草稀雕籠長慘澹蘭畹謾芳菲鏡斂青蛾黛燈
挑皓腕肌避人勻迸淚拖袖倚殘暉有貌雖桃李單棲足
是非雲駟載馭去寒夜看裁衣

少年行

官為駿馬監職帥羽林兒兩綬歲不見落花何處期獵獸
白玉鐙怒袖紫金鎗田實長留醉蘇辛曲讓岐豪持出塞
節笑別遠山眉捷報雲臺賀公卿拜壽卮

盆池

鑿破蒼苔地偷他一片天白雲生鏡裏明月落階前

有寄

雲澗煙深樹江澄水浴秋美人何處在明月萬山頭

送人憶汝中

袂詵映

且詵心

樊川外集

班竹筒簟

中書舍人杜牧字牧之

血染班班成錦紋昔年遺恨至今存
分明知是湘妃泣何忍將身卧淚痕

和嚴憚秀才落花

共惜流年留不得且環流水醉流杯
無情紅豔年年盛不恨凋零却恨開

倡樓戲贈

杜牧外

細柳橋邊深半春
纈衣簾裏動香塵
無端有寄閒消息
背插金釵笑向人

初上船留寄

煙水本好尚親交
何慘悽况為珠履客
即泊錦帆堤沙鴈
同船去田鴨遠岸啼
此時還有味必卧日從西

秋岸

河岸微退落柳影微彫
踈船上聽呼穉堤南趁漉魚
數帆旗去疾一艇箭迴
初曾入相思夢因憑附遠書

過大梁間河亭方讌贈孫子端

築園縱翫歸應少
賦雪搜才去必頻
板路豈緣無罰酒
不教客右更添人

題吳興消暑樓十二韻

晴日登攀好危樓物象饒
一溪通四境萬岫透層霄
鳥翼舒華屋魚鱗棹短橈
浪花機乍織雲葉近近新雕
臺榭羅嘉卉城池敞麗譙
蟾蜍來作鑑蟬螀引成橋
燕任隨秋葉人空集早潮
楚鴻行盡直沙鷺立偏翹
暮角淒遊旅清歌慘慘
沈寥景亭遊目困愁託酒
腸銷遠吹流松韻殘陽渡
柳橋橋時倚庾公賞還悟脫煩囂

奉送中丞姊夫儔自大理卿出鎮江西叙事書懷
因成十二韻

惟帝憂南紀搜賢與大藩
梅仙調步驟庾亮拂棊鞬
一室何勞掃三章自不究
精明如定國孤峻似陳蕃
灞岸秋猶嫩藍橋水始喧
紅旂星石壁黑稍斷雲根
滕閣丹青倚章江碧玉奔
一聲仙妓唱千里暮江痕
私好初童稚官榮見子孫
流年休挂念萬事至無言
玉輦君頻過馮唐將未論
傭書疇萬債竹鳩問樊村
中丞業深韜略志在功名
再奉長句 篇兼有諂勸
檣似鄧林江拍天越香巴錦

萬千千滕王閣上柘枝鼓
徐孺亭西鐵軸船
八部元侯非不貴
萬人師長豈無權
要君嚴重踈歡樂
猶有河湟可下

鞭時收河湟且止三州大關

和裴傑秀才新櫻桃

新果真瓊液水應宴紫蘭圓
疑竊龍頰色已奪雞冠遠
火微、辨繁星歷歷看
茂先知味好曼倩恨偷難
忍用烹醉酪從將翫玉盤
流年如可駐何必九華丹

春思

豈君心的、嗟我淚消、
綿羽啼來久錦鱗書未傳
獸爐

凝冷豔羅幕蔽晴煙自是求佳夢何須訝晝眠

代人作

樓高春日早屏東麝煙堆盼眇凝魂別依稀夢雨來綠鬟
羞妥麼紅顏思天偎鬪草憐香蕙簪花間雪梅成遼雖咽
切遊蜀亦遲回錦字梭懸壁琴心月滿臺笑筵凝貝啓眠
箔曉珠開臘破征車動袍襟對淚裁

偶題二首

勞：千里身襟袂滿行塵深夜懸雙淚短亭思遠人蒼江
程未息黑水夢何頻明月輕梳去唯應釣赤鱗

有恨秋來極無端別後知夜闌終耿耿明發竟遲遲信已
憑鴻去歸唯與燕期只應明月見千里兩相思

冬至日遇京使發寄舍弟

遠信初逢雙鯉去他鄉正遇一陽生罇前豈解愁家國
下唯能憶弟兄旅館夜憂姜被冷暮江寒覺晏裘輕竹門
風過還惆悵疑是松窓雪打聲

洛下送張曼容赴上黨召

歌闕罇殘恨起偏憑君不用設離筵未趨雉尾隨元老且
驀羊腸過少年七葉漢貂真密近一枝詵桂亦徒然羽書

正急徵兵地，須遣頭風處。一痊

宣州留贈

紅鈿濕盡半羅裙，洞府人間手欲分。
滿面風流雖似玉，四羊夫婿恰如雲。
當春離恨盃長滿，倚柱關情日漸曛。
為報眼波須穩當，五陵遊宦莫知聞。

寄題宣州開元寺

松寺曾同一鶴棲，夜深臺殿月高低。
何人為倚東樓柱，正是千山雪漲溪。

贈張祐

詩韻一逢君，平生稱所聞。
粉毫唯畫月，瓊尺只裁雲。
點陣人人懾，秋星歷歷分。
數篇留別我，羞殺李將軍。

殘春獨來南亭因寄張祐

煖雲如粉草如茵，獨步長堤不見人。
一嶺桃花紅錦點，半溪山水碧羅新。
高枝百舌猶欺鳥，帶葉梨花獨送春。
仲蔚欲知何處在，苦吟林下拂詩塵。

宣州開元寺南樓

小樓緣受一床橫，終日看山酒滿傾。
可惜和風夜來雨，醉中虛度打牕聲。

寄遠人

終日求人卜迴道好音那時離別後入夢到如今

別沈處士

舊事參差夢新程灑逸秋故人如見憶時到寺東樓

留贈

舞鞞應任閑人看笑臉還須待我開不用鏡前空有淚蓄
薇花謝即歸來

奉和僕射相公春澤稍愆聖君軫慮嘉雪忽降品

彙昭蘇即事書成四韻

白相國

飄來鷄樹鳳池邊漸豎瓊枝凍碧漣銀闕雙高銀漢裏玉
山橫列玉墀前昭陽殿下風迴急承露盤中月彩圓上相
抽毫歌帝德一篇風雅美豐年

寄李播評事

子列光殊價明時恐自高寧無好舟楫不汎惡風濤大翼
終難戢奇鋒且自韜春來煙渚上綫淨雪霜毫

送牛相出鎮襄州

盛時常注意南雍暫分茅紫殿辭明主巖廊別舊交危幢
侵碧霧寒旆獵紅旂德業懸秦鏡威聲隱楚郊拜塵先灑

淚成廈昔容巢遙仰沉碑會駕鸞玉佩歎

送薛邛二首

可憐走馬騎驢漢豈有風光肯占伊只有三張最惆悵下
山迴馬尚遲
小捷風流已俊才便將紅粉作金臺明年未去池陽郡更
乞春時却重來

見穆三十宅中庭梅榴花謝

矜紅掩素似多才不待櫻桃不逐梅春到未曾逢宴賞兩
餘爭解免低徊巧窮南國千般豔趁得東風二月開堪恨

王孫浪遊去落英狼籍始歸來

留誨曹師詩

萬物有醜好各一姿狀分唯人即不爾學典不學論學非
探其花要自撥其根孝友典誠實而不忘爾言根本既深
實柯葉自滋繁念爾無忽此期以慶吾門

洛陽

文爭武戰就神功時似開元天寶中已建玄戈收相土應
迴翠帽過離官侯門草滿宜寒兔洛浦沙深下塞鴻疑有
女蛾西望處上陽煙樹正秋風

寄唐州李玘尚書

累代功勳照世光
奚胡聞道死心降
書功筆禿三千管
領節門排十六雙
先揖耿弇聲寂寂
今看黃霸事樞樞
時人欲識曾襟否
彭蠡秋連萬里江

南陵道中

南陵水西漫悠悠
風緊雲輕欲變秋
正是客心孤迥處
誰家紅袖凭江樓

登九峯樓

晴江灩澦含淺沙
高低遠郭滯秋花
牛酒魚笛山月上
鷺

渚鷺梁溪日斜為
郡異鄉徒泥酒杜陵
芳草豈無家白頭
搔殺倚柱遍歸棹
何時聞軋鴉

別家

初歲嬌兒未識爺
別爺不拜手吒又拊頭
一別三千里何
日近門却到家

歸家

穉子牽衣問歸來
何太遲共誰爭歲月
贏得鬢邊絲

雨

連雲接塞添迢迢
灑幕侵燈送寂寥
一夜不眠孤客耳
全

人窓外有芭蕉

送人

鴛鴦帳裏暖芙蓉
低泣關山幾萬重
明鑑半邊釵一股
此生何處不相逢

遣懷

道泰時還泰
時來命不來
何當離城市
高卧博山隈

醉贈薛道封

飲酒論文四百刻
水分雲隔二三年
男兒事業知公有
賣典君王一作明君直幾錢

歙州盧中丞見惠名醞

誰憐賤子啓窮途
太守封來酒一壺
攻破是非渾似夢
削平身世有如無
醺若借松康懶兀兀
仍添甯武愚
猶念悲秋更分賜
夾溪紅蓼映風蒲

詠襪

鈿尺裁量減四分
纖々玉笋裏輕雲
五陵年少欺他醉
笑把花前出畫裙

宮詞二首

蟬翼輕綃傳體紅
膚如醉向春風
深宮鎖閉猶疑惑
更取

丹沙試辟宮

監宮引出暫開門
隨例須朝不是恩
銀鑰却收金鎖合
月明花落又黃昏

月

三十六宮秋夜深
昭陽歌斷信沉沉
唯應獨伴陳皇后
照見長門望幸心

忍死留別獻益鐵裴相公二十叔

賢相輔明主
蒼生壽域開
青春辭白日
幽壤作黃埃
豈是無多士
偏蒙不棄才
孤墳一尺土
誰為培栽

悲吳王城

二月春色江上來
水精波動碎樓臺
吳王宮殿柳含翠
蘇小宅房花正開
解舞細腰何處往
能歌姹女逐誰迴
千秋萬古無消息
國作荒原人作灰

閨情代作

梧桐葉落鴈初歸
迢迢無因寄遠衣
月照石泉金點冷
鳳酣簫管玉聲微
佳人力杵秋風外
蕩子從征夢寐稀
遙望戍樓天欲曉
滿城鼙鼓白雲飛

寄沈褒秀才

晴河萬里色如刀處、浮雲卧碧桃仙桂茂時金鏡曉浴
波飛處玉容高雄如寶劍衝牛斗麗似鴛鴦養羽毛他日
憶君何處望九天香滿碧蕭騷

詞入關

東西南北數衢通曾取江西徑過東今日更尋南去路未
秋應有北歸鴻

及第後寄長安故人

東都放榜未花開三十三人走馬迴秦地少年多辦酒已
將春色入關來

偶作

才子風流詠曉霞倚樓吟住日初斜驚殺東隣繡床女錯
將黃暈壓檀花

贈終南蘭若僧

北闕南山是故鄉兩枝仙桂一時芳休公都不知名姓始
覺禪門氣味長

遣懷

落魄江南載酒行楚腰腸斷掌中輕十年一覺揚州夢

得青樓薄倖名

春日途中

田園不事來遊宦故國誰教爾別離獨倚闌亭還把酒一
年春盡送春時

秋感

金風萬里思何盡玉樹一窓秋影寒獨掩此門明月下淚
流香袂倚欄杆

贈漁父

蘆花深澤靜垂綸月夕烟朝幾十春自說孤舟寒水畔不
曾逢著獨醒人

歎花

自恨尋芳到已遲不須惆悵怨芳往年曾看水開時狂如合風擺花狼籍綠
葉成陰子滿枝落盡深紅色

題劉秀才新竹

數莖幽玉色曉夕翠煙分聲破寒窓夢根穿綠蘚紋漸籠
當檻日欲礙入簾雲不是山陰客何人愛此君

山行

遠上寒山石徑斜白雲生處有人家停車坐愛楓林晚霜
葉紅於二月花

書懷

滿眼青山未得過鏡中無那鬢絲何祗言旋老轉無事欲
到中年事更多

紫薇花

曉迎秋露一枝新不占園中最上春桃李無言又何在向
風偏笑艷陽人

醉後呈崔大夫

謝傳秋涼閱管絃徒教賤子侍華筵溪頭正雨歸不得辜
負南窓一覺眠

知宣州沈大夫登北樓書懷

兵符嚴重辭金馬星生光芒射斗牛筆落青山飄古韻帳
開紅旆照高秋香連日彩浮綃幕溪逐歌聲遠畫樓可惜
登臨佳麗地羽儀須去鳳池遊

夜雨

九月三十日雨聲如別秋無端滿階葉共白幾人頭點滴
侵寒夢蕭騷著淡愁漁歌聽不唱蓑濕棹迴舟

方響

數條秋水桂琅玕玉手丁當怕夜寒曲盡連歌三四下恐

驚珠淚落金盤

將出關宿層峯驛却寄李諫議

孤驛在重阻雲根掩柴扉數聲暮禽切萬壑秋意歸心馳
碧泉澗目斷青鎖關明日武關外夢魂勞遠飛

使迴在唐州崔司馬書兼寄四韻因和

清晨候吏把酒來十載離憂得暫開癡叔去時還讀易仲
容多興索街孟人心計日殷勤望馬頭隨雲早晚迴莫為
霜臺愁歲暮潛龍須待一聲雷

郡齋秋夜即事寄斛斯處士許秀才

有客誰人肯夜過獨憐風景柰愁何邊鴻怨處迷霜久庭
樹空來見月多故國杳無千里信絲弦時伴一聲歌馳心
祇待城烏曉幾對虛簷望白河

同趙二十二訪張明府郊居聯句

陶潛官罷酒餅空門掩楊花一夜風收古調詩吟山色裏
無絃琴在月明中嘅遠簷高樹宜幽鳥出岫孤雲逐晚虹
收別後東籬數枝菊不知閑醉典誰同嘅

早春題真上人院生天寶初

清羸已近百年身古寺風塵一作煙又一春寰海自成戎馬

地唯師曾是太平人

對花微疾不飲呈坐中諸公

花前雖病亦提壺數調持觴與有無盡日臨風羨人醉雪
香空伴白鬚鬢

酬王秀才桃花園見寄

桃滿西園淑景催幾多紅豔淺深開此花不逐溪流出晉
客無因入洞來

走筆送杜十三歸京

煙鴻上漢聲、遠迎驥尋雲步、高應笑內兄年六十郡

城閑坐養霜毛

送王十至褒中因寄尚書

關下經年別人間兩地情壇塲新漢將煙月古隋城鴈去
梁山遠雲高楚岫明君家荷藕好緘恨寄遥程

後池泛舟送王十

相送西郊暮景和青蒼竹外透寒波為君蘸甲十分飲應
見離心一倍多

重送王十

袂還應立馬前向來離思始知難鴈飛不見行塵滅景

下山遙極目寒

洛陽秋夕

冷々寒水帶霜風更在天橋夜景中
清禁漏閑煙樹寂月輪移在上陽宮

贈獵騎

已落雙鷗血尚新鳴鞭走馬又翻身
憑君莫射南來鴈恐有家書寄遠人

懷吳中馮秀才

長洲苑外草蕭々却算遊程歲月遙
唯有別時今不忘暮

煙秋雨過楓橋

寄東塔僧

初月微明漏白煙碧松稍外挂青天
西風靜起傳深夜應送愁吟入夜蟬

秋夕

銀燭秋光冷畫屏輕羅小扇撲流螢
天階夜色涼如水坐看牽牛織女星

瑤瑟

玉仙瑤瑟夜珊珊月過樓西桂燭殘
風景人間不如此動

搖湘水徹明寒

送故人歸山

三清洞裏無端別又拂塵衣欲卧雲
看著桂冠迷處所北山蘿月在移文

聞角

曉樓煙檻出雲霄景下林塘已寂寥
城角為秋悲更遠護霜雲破海天遙

押兵甲發谷口寄諸公

曉澗青桂色孤楚人墮玉上天衢
水辭谷口山寒少令

日風頭校暖無

和令狐侍御賞蕙草

尋常詩思巧如春又喜幽亭蕙草新
本是馨香比君子遠攔今更為何人

偶題

道在人間或可傳小還輕變已多年
今來海上昇高望不到蓬萊不是仙

三川驛伏覽座主留題

舊跡依然已十秋雪山當面照銀鈎
懷恩淚盡霜天曉一

片餘霞映驛樓

陝州醉贈裴四同年

淒風洛下同羈思
遲日棠陰得醉歌
自笑與君三歲別
頭銜依舊鬢絲多

破鏡

佳人失手鏡初分
何日團圓再會君
今朝萬里秋風起
山北山南一片雲

長安雪後

秦陵漢苑參差雪
北闕南山次第春
車馬滿城原上去
豈

知惆悵有閑人

華清宮

零葉飛^翻紅萬樹
霜玉蓮開蕊暖泉
香行雲不下朝元閣
一曲淋鈴淚數行

冬日題智門寺北樓

滿懷多少是恩酬
未見功名已白頭
不為尋山試筋力
豈能寒上背雲樓

別王十後遣京使累路附書

重關曉度宿雲寒
羸馬緣知步_二難
此信的應中路見亂

山何處折書看

許秀才至辱李蘄州絕句問斷酒之情因寄
有客南來話所思故人遙枉醉中詩暫因微疾須防酒不
是歡情減舊時

送張判官歸兼謁鄂州大夫

處士聞名早遊秦獻疏迴腹中書萬卷身外酒千盃江雨
春波濶園林客夢催今君拜旌戟凜凜近霜臺

宿長慶寺

南行步遠浮塵更近青山昨夜隣高鐸數聲秋撼玉霽

河千里曉橫銀紅渠影落前池淨綠稻香來野迳頻終日
官閑無一事不妨長醉是游人

望少華

身隨白日看將老心與青雲自有期今對晴峰無十里世
緣多累暗生悲

文字波中去不還物情初與是非閑時名竟是無端事羞
對靈山道愛山

眼看雲鶴不相隨何看塵中事作為好伴羽人深洞去月
前秋聽玉參差

登澧州驛樓寄京北常尹尹曾典此郡

一話涪陽舊使君
郡人迴首望青雲
政聲長與江聲在
自到津樓日夜聞

長安晴望

翠屏山對鳳城開
碧落搖光霽後來
迴識六龍巡幸處
飛煙閑繞望春臺

歲日朝迴口號

星河猶在整朝衣
遠望天門再拜歸
笑向春風初五十
敢言知命且知非

驪驪駮

瑤池罷游宴
良樂委塵沙
遭逢不遭遇
鹽車與鼓車

龍丘途中二首

漢苑殘花別吳江
盛夏來唯看萬樹合
不見一枝開水色
饒湘浦灘聲怯建溪
淚流迴月上可得
更猿啼

宮人塚

盡是離宮院中女
苑牆城外塚纍纍
少年入內教歌舞
不識君王到老時

寄浙西李判官

燕臺上客意何如四五年來漸、踈直道莫拋男子業遭
時還與故人書青雲滿眼應驕我白髮渾頭少恨渠唯念
賢哉崔大讓可憐無事不歌魚

寄杜子

不識長楊事北胡且教紅袖復來扶狂風烈焰雖千尺豁
得平生俊氣無

武牢關吏應相笑箇底年、往復東若問使君何處去為
言相憶首長迴

盧秀才將出王屋高步名場江南相逢贈別

王屋山人有古文欲攀青桂弄氛氲將携健筆干明主莫
向山壇問白雲馳逐寧教爭處讓是非偏忌衆人分交遊
話我憑君道除却鱸魚更不聞

送劉三復郎中赴闕

橫溪辭寂寞金馬去追遊好是駕鳶侶正逢霄漢秋玉珂
聲瑣々錦帳夢悠悠微笑知君是因風謝釣舟

羊欄浦夜陪宴會

弋楹營中夜未央兩沾雲惹待襄王毬來香袖依稀暖酒
凸觥心汎灩光紅絃高緊聲々急珠唱鋪圓裊々長自比

諸生最無取不知何處亦升堂

送杜顓赴潤州幕

少年才俊赴知音丞相門欄不覺深
直道事人男子業異鄉加飯弟兄心
還須整理箠弦佩莫獨矜誇玳瑁簪
若去上元懷古謝安墳下典沉吟

有感

宛溪垂柳最長枝曾被春風盡日吹
不堪攀折猶堪看陌上少年來自遲

書懷寄盧州

謝山南畔州風物最宜秋太守懸金印
佳人敞畫樓凝缸暗醉夕殘月上汀州
可惜當年髮朱門不得遊

賀崔大夫崔正字

內舉無慙古所難燕臺遙想拂塵冠
登龍有路水不峻一鴈背飛天正寒
別夜酒餘紅燭短映山帆去碧霞殘
謝公樓下潺湲響離恨詩情添幾般

江南送左師

江南為客正悲秋更送吾師古渡頭
惆悵不同塵土別水雲蹤跡去悠悠

寢夜

蛩唱如波咽更深似水寒露華驚散
榻燈影挂塵冠故國初離夢前溪更下灘
紛々毫髮事多少宦遊難

十九兄郡樓有宴病不赴

十二層樓敞畫簷連雲歌盡草纖々
空堂病怯階前月燕子嗔垂一行簾

愁

聚散竟無形迴腸自結成古今
留不得離別又潛生降虜將軍思窮秋
遠客情何人更憔悴落第泣秦京

隋苑

一云定子牛相小青

紅霞一抹廣陵春定子當筵睡臉新
却笑丘墟隋煬帝破家亡國為何人

芭蕉

芭蕉為雨移故向窓前種憐渠點滴聲
留得歸鄉夢々遠莫歸鄉覺來一翻動

汴人舟行答張祐

千萬長河共使船聽君詩句倍滄然
春風野岸名花發一道帆檣畫柳煙

牧陪昭應盧郎中在江西宣州佐今吏部沈公幕
罷府周歲公宰昭應牧在淮南縻職叙舊成二十

韻用以投寄

燕鴈下揚州涼風柳陌愁可憐千里夢還是一年秋宛水
環朱檻章江敞碧流謬陪吾益友祇事我賢侯印組縈光
馬鋒鏑看解牛井闍安樂易冠蓋愜依投政簡稀開閣功
成每運籌送春經野鴉遲日上高樓玉裂歌聲斷霞飄舞
帶收泥情斜拂印別臉小低頭日晚花枝爛缸疑粉彩稠
未曾孤酌酌剩肯隻淹留重德俄徵寵諸生苦宦遊分途

之絕國灑淚拜行輶聚散真漂梗光陰極轉郵銘心徒歷
歷屈指盡悠悠君作烹鮮用誰膺仄席求卷懷能憤排卒
歲且優游去矣時難遇沽沽價莫酬滿枝為鼓吹裹甲避
戈矛隋帝宮荒草秦王土一丘相逢好大笑除此總雲浮

樊川別集序

中書舍人杜牧字牧之

集賢校理斐延翰編次牧之文號樊川集者二十卷中有古律詩二百四十九首且言牧始少得恙盡搜文章閱千百紙擲焚之總屬留者十二三疑其散落于世者多矣舊傳集外詩者又九十五首家有之予往年於棠郊魏處士野家得牧詩九首近汶上盧訥處又得五十篇皆二集所逸者其後池泛舟宴送王十秀才詩乃知外集所亡取別句以補題今編次作一卷俟有所得更益之熙寧六年

三月一日杜陵田際序

寓言

暖風遲日柳初含
顧影看身又自慙
何事明朝獨惆悵
杏花時節在江南

猿

月白煙青水暗流
孤猿啣恨叫中秋
三聲欲斷疑腸斷
饒是少年須白頭

懷歸

塵埃終日滿窓前
水態雲容思浩然
爭得便歸湘浦去
却

持竿上釣魚船

邊上晚秋

黑山南面更無州
馬放平沙夜不收
風送孤城臨晚角
一聲入客心愁

傷友人悼吹簫妓

玉簫聲斷沒流年
滿目春愁隴樹煙
艷質已隨雲雨散
鳳樓空鎖月明天

訪許頰

門近寒溪窓近山
枕山流水日潺湲
長嫌世上浮雲客
老

向塵中不解顏

春日古道傍作

萬古榮華旦暮齊樓臺春盡草凄凄君看陌上何人墓旋
化紅塵送馬蹄

青塚

青塚前頭隴水流燕山山上暮雲秋蛾眉一墜窮泉路夜
夜孤魂月下愁

大夢上人自廬峯迴

行脚尋常到寺稀一枝藜杖一禪衣開門滿院空秋色新

向廬峰過夏歸

洛中二首

柳動晴風拂路塵年年宮闕鎖濃春一從翠輦無巡幸老
却蛾眉幾許人

風吹柳帶搖晴綠蝶遶花枝戀暖香多把芳菲泛春酒直
教愁色對愁腸

邊上聞胡笳三首

何處吹笳薄暮天塞垣高鳥沒狼煙遊人一聽頭堪白蘇
武曾^注十九年

海路無塵邊草新榮枯不見綠揚春白沙日暮愁雲起獨
感離鄉萬里人
胡雛吹笛一作笛上高臺寒鴈驚飛去不迴盡日春風吹不
散只應分付客愁來

春日寄許渾先輩

薊北鴈初去湘南春又歸水流滄海急人到白頭稀塞路
盡何處我愁當落暉終年接鴛鴦霄漢共高飛

經闔閭城

遺蹤委衰草行客思悠悠昔日人何處終年水自流孤煙

村戍遠亂雨海門秋吟罷獨歸去煙雲盡慘愁

并州道中

行役我方倦苦吟誰復聞戍樓春帶雪邊角暮吹雲極目
無人迹迴頭送鴈群如何遣公子高卧醉醺

別懷

相別徒成泣經過總是空勞生慣離別夜夢苦西東去路
三湘浪歸程一片風他年寄消息書在鯉魚中

漁父

白髮滄浪上全忘是與非秋潭垂釣去夜月叩船歸煙影

侵蘆岸潮痕在竹扉終年狎鷗鳥來去且無機

秋夢

寒空動高吹月色滿清砧殘夢夜魂斷美人邊思深孤鴻
秋出塞一葉暗辭林又寄征衣去迢迢天外心

早秋客舍

風吹一片葉萬物已經秋獨夜他鄉淚年年為客愁別離
何處盡搖落幾時休不及磻溪叟身閑長自由

逢故人

故交相見稀相見倍依依塵路事不盡雲巖閑好歸投人

銷壯志狗俗變真機又落他鄉淚風前一滿衣

秋晚江上遣懷

孤舟天際外去路望中賒貧病遠行客夢魂多在家蟬吟
秋色樹鷓噪夕陽沙不擬徹雙鬢他方擲歲華

長安夜月

寒光垂靜夜浩彩滿重城萬國盡分照誰家無此名古槐
踈影薄仙桂動秋聲獨有長門裏蛾眉對曉晴

雲

東西那有礙出處豈虛心曉入洞庭闊暮歸巫峽深渡江

隨鳥影擁樹隔猿吟莫隱高唐去枯苗待作霖

春懷

年光何太急倏忽又青春明月誰家主江山暗換人鶯花
潛運老榮樂漸成塵遙憶朱門柳別離應更頻

逢故人

年年不相見相見却成悲教我淚如霰嗟君髮似絲正傷
攜手處况值落花時莫惜今宵醉人間忽一期

閑題

男兒所在即為家百鎰黃金一朶花借問春風何處好綠

楊深巷馬頭斜

金谷園

繁華事散逐香塵流水無情草自春日暮東風怨啼鳥落
花猶似墮樓人

重登科

星漢離宮月出輪滿街含笑綺羅春花前每被青娥問何
事重來只一人

遊邊

黃沙連海路無塵邊草長枯不見春日暮拂雲堆下過馬

前途著射鵰人

將赴池州道中作

青陽雲水去年尋黃絹歌詩出翰林投轄暫停留酒客絳
帷斜繫滿松陰妖人笑我不相問道者應知歸路心南去
南來盡鄉國月沉秋水只沉沉

隋宮春

龍舟東下事成空蔓草淒淒滿故宮亡國亡家為顏色露
桃猶自恨春風

蠻中醉

瘴塞蠻江入洞流人家多在竹棚頭青山海上無城郭唯

見松牌出象州

寓題

把酒直須判酌酌逢花莫惜暫淹留假如三萬六千日半
是悲哀半是愁

送趙十二赴舉

省事却因多事力無心翻似有心來秋風郡閣殘花在別
後何人更一杯

偶呈鄭先輩

不語亭、儼薄粧盡裙雙鳳鬱金香西京才子旁看取何
似喬家那窈娘

子規

蜀地曾聞子規鳥宣城又見杜鵑花一叫一回腸一斷三
春三月憶三巴

江樓

獨酌芳春酒登樓已半醺誰驚一行鴈衝斷過江雲

旅宿

旅館無良伴凝情自悄然寒燈思舊事斷鴈警愁眠遠夢

歸侵曉家書到隔年湘江好煙月門繫釣魚舡

杜鵑

杜宇竟何冤年々叫蜀門至今銜積恨終古弔殘魂芳草
迷鴈結紅花染血痕山川盡春色嗚咽復誰論

聞蟬

火雲初似滅曉角欲微清故國行千里新蟬忽數聲時行
仍鬢鬢度日更分明不敢頻傾耳唯憂白髮生

送友人

十載名兼利人皆與命爭青春望不住白髮自然生夜雨

滴鄉思秋風從別情都門五十里馳馬逐雞聲

旅情

窓虛枕簟涼寢倦憶瀟湘山色幾時老人心終日忙松風
半夜雨簾月滿堂霜匹馬好歸去江頭橘正香

曉望

獨起望山色水雞鳴蓼洲房星隨月曉楚木向雲秋曲渚
疑江盡平沙似浪浮秦原在何處澤國碧悠悠

貽友人

自是東西客逢人又送人不應相見老祇是別離頻度日

還知暮平生不

一作未

識春儻無遷谷分歸去養天真

書事

自笑走紅塵流年舊復新東風半夜雨南國萬家春失計
拋魚艇何門化涸鱗是誰添歲月老却暗投人

別鶴

分飛共所從六翮勢催風聲斷碧雲外影孤明月中青田
歸遠路丹桂舊巢空矯翼知何處天涯不可窮

晚泊

帆濕去悠悠停橈宿渡頭亂煙迷野岸獨鳥出中流蓬雨

延鄉夢江風阻暮秋儻無身外事甘老向扁舟

山寺

峭壁引行徑截溪開石門泉飛濺虛楹雲起漲河軒隔水
看來路踈籬見定猿未閑難久住歸去復何言

早行

垂鞭信馬行數里未雞鳴林下帶殘夢葉飛時忽驚霜凝
孤鶴迥月曉遠山橫僮僕休辭險應時平路復平

秋日偶題

荷花兼柳葉彼此不勝秋玉露滴初泣金風吹更愁綠眉

甘棄墜紅臉恨飄流數息是游子少年還白頭

憶歸

新城非故里終日想柴局興罷花還落愁來酒欲醒何人
初髮白幾處亂山青遠憶湘江上漁歌對月聽

偶見黃州作

朔風高緊掠河樓白臯駟即白鬪裘有箇當爐明似月馬
鞭斜揖笑回頭

醉倒

日晴空樂下仙雲俱在京亭送使君莫辭一盞即相請還

是三年更不聞

酬許十三秀才兼依來韻

多為裁詩步竹軒有時凝思過朝昏
篇成敢道懷金璞吟苦唯應似嶺猿
逢興每慙花月夕寄愁長在別離魂
煩君把卷侵寒燭麗句時傳畫戟門

後池泛舟送王十秀才

城日晚悠悠絃歌在碧流夕風飄度曲
煙嶼隱行舟問拍擬新令憐香占彩毬
當筵雖一醉寧復緩離愁

書情

誰家洛浦神十四五來人媚髮輕垂額
香衫軟著身摘蓮紅袖濕窺綠翠娥
頻飛鵲徒來往平陽公主親

兵部尚書席上作

華堂今日綺筵開誰喚名分司御史來
偶發狂言驚滿座且重粉面一時回

驩驩坂

荊州一萬里不如蒯易度仰首望飛鳴
伊人何異趣

樊川拾遺

明 海虞 趙 琦 美 如 白 纂

金陵

始發碧江口曠然諧遠心風清舟在鑑日落水浮金瓜步
逢潮信臺城過鴈音故鄉何處是雲外即喬林

見景定建康志

吳江

堠館人稀夜更長姑蘇城遠樹蒼々江湖潮落高樓迥河
漢秋歸廣殿涼月轉碧梧移鵲影露低紅草濕螢光文園
詩侶應多思莫醉笙歌掩華堂

泊松江

清露白雲明月天
典君齊棹水蘭船
風波湖雨一相失
夜泊橫塘心渺然

吳宮詞

越兵驅綺羅
越女唱吳歌
宮燼花聲少
臺荒麋跡多
茱萸垂曉露
菖蒲落秋波
無遣君王醉
滿城嘯翠娥

其二

香逕遶吳宮
千帆落照中
鶴鳴山苦雨
魚躍水多風
城帶晚莎綠
池連秋蓼紅
當年國門外
誰信伍員忠

已上並見范石湖吳郡志

李端集卷第一

五言古詩

旅次岐山得山友書却寄鳳翔張尹

本與戴徵君同師竹上坐
偶為名利引久廢論真果
昨日山信迴寄書來責我

九日贈司空文明

我有惆悵詞待君醉時說
長來逢九日難與菊花別
摘却正開花暫言花未發

古別離

李端

水國葉黃時，洞庭霜落夜。行舟聞商估，宿在楓林下。此地
送君還，茫茫似夢間。後期知幾日，前路轉多山。巫峽通湘
浦，迢迢隔雲雨。天晴見海嶠，一作日日落聞津鼓。人老自多
愁，水深難急流。清宵歌一曲，白首對汀洲。

過谷口元贊善所居

入谷訪君來，秋泉已難涉。林間人獨坐，月下出相接。重露
濕蒼苔，明燈照黃葉。故文一不見，素髮何稠疊。

古別離

與君桂陽別，今君岳陽待。後事忽差池，前期日空在。水落

鴈嗽，洞庭波浪高。遠山雲似蓋，極浦樹如毫。朝發能幾
里，暮來風又起。如何兩處愁，皆在孤舟裏。昨夜天月明，長
川寒且清。菊花開欲盡，薺菜摘來生。下江帆勢速，五兩遙
相逐。欲問去時人，知投何處宿。空令猿嘯時，泣對湘潭竹。

折楊柳送別

東城攀柳葉，柳葉低着草。少壯莫輕年，輕年有衰人。一作老
柳發通川岡，登高堪斷腸。雨煙遙漠漠，河樹近君鄉。贈君
折楊柳，顏色豈能久。上客莫沾巾，佳人正回首。新柳送君
行，古柳傷君情。突兀臨荒渡，婆娑出舊營。隋家兩岸盡陶

宅五株榮

一作

日暮偏愁望春山有鳥聲

送吉中孚拜官歸楚州

才子神骨清虛踈眉眼明貌

一作白

應同衛玠鬢且異潘生

初戴蒔苔幘來過丞相宅滿堂歸道師衆口宗詩伯須臾

里巷傳天子亦知賢出語升高士馳聲在少年自為才哲

愛日與侯王會匡主一言中榮親千里外更聞仙士友往

往東回首驅石不成羊指

一作捐

丹空斃狗孤帆淮上歸商

估夜相依海霧寒將盡天星曉欲稀潮頭來始歇浦口喧

爭發鄉樹尚和雲

一作雪

隣船猶帶月到洞必傷情巡房見

舊明醮踈壇路澁汲少井欄傾別我長安道前期共須老

方隨水向山肯惜花辭島

一作少

悵望執君衣今朝風景好

歸山招王達

日長原路靜杖策趨

幽

巘雉雒麥苗陰蝶飛溪草晚我生

好閑放此去殊未返自是君不來非關遠

山遠

荊州泊

南樓西下時月裡聞來棹桂水舳舻迴荊州津濟開移帷

掩星漢引帶思容貌今夜一江人唯應妾身覺

春遊樂二首

遊童蘇合彈倡女蒲葵扇初日映城時相思忽相見褰裳
蹋露草理髮回花面薄暮不同歸留情此芳甸

千里思

涼州風月美遙望居延路汎々西下天青々綠寒樹燕山
蘇武上海島田橫住更是草生時行人出門去

白鷺詠

迴起來應近高飛去自遙映林同落雪拂水狀翻潮猶有
幽人興相逢到碧霄

冬夜與故友聚送吉校書

途窮別則怨何必天涯去共作出門人不見歸鄉路殷勤
執杯酒懷望送親故月色入間軒風聲落高樹雲霄望且
遠齒髮行應暮九日泣黃花三秋悲白露君行過洛陽莫
向青山度

與苗員外出行

古人留路去今日共君行若待青山盡應逢白髮生誰知
到蘭若流落一書名

留別柳中庸

惆悵流水時蕭條背城路離人出古亭嘶馬入寒樹江

南

正風波掛蓬

一作相道

在何處

早春同庾侍郎題青隴上方院

相見惜餘輝齊行登古寺風煙結遠恨山水含芳意車馬
莫前歸留看巢鶴至

送從叔赴洪州

榮家兼佐幕叔父似還鄉王粲名雖重却超髯未長鳴橈
過夏口歛笏見潯陽後夜相思處中庭月一方

送路司諫侍從赴洪州

却超本絕倫得意在芳春勲業耿家盛風流荀氏均聲名

金作賦白哲

一作石

玉為身歛笏辭天子乘龜從丈人度陰

行且獵鞍馬何蹉躓猿嘯暮應愁湖流春好涉潯陽水分
送于越山相接梅雨細如絲蒲帆輕似葉逢風鷺不足值
石波先疊樓見遠公廬船經徐稚業邑人多秉筆州吏亦
負笈村女解收魚津童能用楫唯我有荆扉無成未得歸
見君兄弟出今日自霑衣

病後遊青龍寺

病來形貌穢齋沐入東林境靜聞神遠身羸向道深芭蕉
高自折荷葉大先沉

夜尋司空文明逢深上人因寄晉侍御

鶴裘筇竹杖語笑過林中正是月明夜陶家見遠公自嫌
山客務不與漢官同

長安書事寄薛戴

朔鴈去成行哀蟬響如昨時芳一憔悴暮序何蕭索笑語
且無聊逢迎多約畧三山不可見百歲空揮霍故事盡為
愁新一作空知無復樂夫君又離別而我加寂寞惠遠縱相
尋陶潛祇獨酌主人恩則厚客子才自薄委曲見提携因
循成褻剥論邊書未上招隱詩還作貴者已朝餐豈能孰

宿諾飛禽雖失樹流水長思壑千里寄瓊枝夢寐青山郭

鮮于少府宅看花

謝家能植藥萬簇相縈倚爛熳綠苔前嬋娟青草裏垂欄
復照戶映竹仍臨水驟雨發芳香迴風舒錦綺孤光雜一作
耀新故衆色更重累散碧出踈莖分黃成細蘂游蟬一作

高更下驚蝶坐還起玉貌對應慙霞標一作操方不似春陰

憐弱蔓夏日同短晷迥落報一作勞榮衰文闕闕紅紫花時

苟未賞老至誰能止上客屢移牀幽僧勞憑几初合雖薄
劣却一作幸得陪君子敢問賢主人何如種桃李

慈恩寺懷舊

并序

俞去夏五月與耿緯司空文明吉中孚同陪故考功王員外來游此寺員外相國之子雅有才稱遂賦贈一作五物俾君子射而歌之其一曰凌霄花公實賦焉因次諸屋壁以識其會今夏又與二三子游集于斯流涕語舊既而攜手入院值凌霄更花遺文在目良友逝矣傷心如何陸機所謂同宴一室蓋痛此也觀者必不以秩位不侔則契分曾一作甚厚詞理不至則悲哀在中因賦首篇故書之

去者不可憶舊遊相見時凌霄徒更發非是看花期倚玉

交文友發龍年月久東閣許聯牀西郊亦携手彼蒼何暖昧薄劣翻居後重入遠師谿誰嘗陶令酒伊昔會禪宮容輝在眼中藍輿來問道玉柄解談空孔席亡顏子僧堂失謝公遺文一書壁新竹再移叢始聚終成散朝歡暮不同春霞方照日夜燭忽迎風蟻鬪聲猶在鴉尖道已窮問天應默々歸宅太匆々悽其履還路莽蒼雲林暮九陌似無人五陵空有霧緬懷山陽笛永恨平原賦錯莫過門攔分明識行路上智本全真却公况重臣唯應撫靈運暫是憶嘉賓存信松猶小絨衰草尚新鯉庭埋玉樹那忍見門人

贈薛戴

曉露忽為霜寒蟬還罷響行人在長道日暮多歸想射策
本何功名登絳帳中遂矜丘室重不料阮途窮文結慙時
輩龍鍾似老翁機非鄙夫正懶是平生性歌枕鴻鴈高閑
關花樂盛厨煙當兩絕階行連窓暝欲賦苦飢行無如消
渴病舊業歷胡塵荒一作流原少四隣田園空有處兄弟未
成人毛義心長苦袁安家轉貧今呈骨臆事當為淚沾巾

東門送客

綠楊新草路白髮故鄉人既壯還應老遊梁復滯秦逢花

莫漫折能有幾多春

野亭三韻送錢員外

野菊開欲稀寒泉流漸淺一作緩幽人步林後歎此年華晚
倚杖送行雲尋思故山一作鄉遠

送韓紳卿

春雨昨開花秋霜忽霑草榮枯催日夕去住皆須老君望
漢家原高墳漸成道

七言古詩

雜歌呈鄭錫司空文明

昨宵夢到無何鄉，忽見一人山之陽。高冠長劍立石堂，鬢眉颯灑瞳子方。胡麻作飯瓊作漿，素書一帙在栢牀。啖我還丹拍我背，令爾延年在人代。乃書數字與我持，小兒歸去須讀之。覺來知是虛無事，山中雪平雲覆地。東嶺啼猿三四聲，卷簾一望心堪醉。蓬萊有梯不可躡，向海迴頭淚盈睫。且聞童子是蒼蠅，誰謂莊生異胡蝶。學仙去來辭故人，南北一作長安道路多風塵。

烏栖曲

白馬逐朱車，黃昏入狹斜。狹斜柳樹烏爭宿，爭宿未得枝。

呀呀飛上屋東房，少婦壻從軍。每聽烏啼知夜分。

送客東歸

昨夜東風吹盡雪，兩京路上梅花發。行人相見便東西，日暮溪頭飲馬別。把君衫袖望垂楊，兩行淚下思故鄉。

王敬伯歌

妾本舟中女，聞君江上琴。君初感妾意，妾亦感君心。遂出合歡被，同為交頸禽。傳杯唯畏淺，接膝猶嫌遠。侍婢奏箏篴，女郎歌宛轉。宛轉怨如何，中庭霜漸多。霜多葉可惜，昨日非今夕。徒結萬重歡，終成一宵客。王敬伯，綠水青山從

此隔

雜歌

漢水至清泥則濁松枝至堅蘿則弱十三女兒事他家顏
色如花絃索漠蘭生當門鸞巢幕蘭芽未吐鸞泥落為姑
偏忌諸嫂良作婦翻嫌婿家惡人生照鏡須自知無鹽何
用妬西施秦庭野鹿忽為馬巧偽亂真君試思伯奇掇蜂
賢父逐曾參殺人慈母疑沽酒千日人不醉琴弄一絃心
已悲常聞善交無爾汝諛口甚甘良藥苦山雞錦翼豈鳳
凰隴鳥人言止鸚鵡向栩非才徒隱竈田文有命那關戶

犀燭江行見鬼神承人登席上歌舞樂生東仕一作終居
趙陽虎北轅翻遶楚世間反疑不易陳緘此貽君淚如雨

瘦馬行

城傍牧馬驅未過二馬徘徊起還卧眼中有淚皮有瘡骨
毛焦瘦念一作人傷朝一作放在兒童手誰覺舉頭看故鄉
往時漢地相一作羽馳逐如雨如風過平陸豈意今朝驅不
前蚊蚋滿身泥上腹路人識是名馬衰疇昔三軍不得騎
玉勒金鞍既已過追奔獲獸有誰知終身捩上食君草遂
與駕駘一時老儻借長鳴隴上風猶期一戰長安道

放生寺望春寄暢當

東西南北望，遠悲潛蓄紅黃綠紫花，開看不足今年
與子少相隨，他年與子老相逐

荆門歌送兄越夔州

余兄佐郡經西楚，餞行因賦荆門雨霽，燮一作燮聲漸
繁浦裏人家收市喧重陰大點過欲盡碎浪柔文相與翻
雲間悵望荆衡路萬里青山一時暮琵琶寺一作裏響空
廊熨斗陂前濕荒戍沙尾長檣發漸稀竹竿草屨涉流歸
夷陵已遠半成燒漢上游倡始濯衣船門相對多商估葛

服龍鍾蓬下語自是湘州石鷲飛那關齊地商羊舞曾為
江客念江行腸斷秋荷雨打聲摩天古水不可見住岳高
僧空得名今朝拜首臨欲別遙憶荆門雨中發

襄陽曲

襄陽隄路長草碧柳枝黃誰家女兒臨夜粧紅羅帳裏有
燈光雀釵翠羽動鳴璫欲出不出脂粉香同居女伴正衣
裳中庭寒月白如霜賈生十八稱才子空得門前一斷腸

妾薄命

憶妾初嫁君花鬟如綠雲迴燈入綺帳轉面脫羅裙折步

教人學偷香與客熏容顏南國重名字北方聞一從失恩
意轉覺身顛顛對鏡不梳頭倚窓空落淚新人莫恃新秋
至會無春從來閉在長門者必是宮中第一人

贈康洽

黃鬚康兄酒泉客平生出入侯王宅今朝醉卧又明朝忽
憶舊鄉頭已白流年恍惚瞻西日陳事蒼茫指南陌聲名
常壓鮑參軍班位不過揚執戟爾來七十遂無機空是咸
陽一布衣後輩輕肥賤衰朽故侯門館許因依自言萬物
有移改始信桑田變成海同時獻賦人皆盡共壁題詩君

獨在步出東城風景和青山滿眼少年多漢家尚壯今則
老髮短心長知柰何華堂舉杯莫歎晚龍鍾相見誰能免
誰能免君今已及我正來朱顏宜笑能幾迴借問蒙籠花
樹下誰家畚插築高臺

胡騰歌

胡騰身是涼州兒肌膚如玉鼻如錐桐布輕衫前後卷蒲
萄長帶一邊垂帳中跪作本音語拈襟擺袖為君舞安西
舊收收淚看洛下詞人抄曲典揚眉動眼踏花氍紅汗交
流珠帽偏醉脚東傾西又倒雙靴柔弱滿燈前環行急蹴

皆應節反手义腰如卻月絲桐忽盡一曲終鳴、畫角城
頭發胡騰兒胡騰兒故鄉路斷知不知

送友人遊蜀

嘉陵天氣好百里見雙流帆影綠巴字一作宇鍾聲出漢州

綠原春草晚青木暮猿愁正一作本是風流地遊人易白頭

茂陵村竹贈何

春天黃鳥轉野送白雲閑解帶依芳草支頤想故山人行

九州一作河路樹老五陵間誰道臨邛遠相如自憶還

李端集卷第二

五言律詩

歸山與友人別

野客本無事此來非有求煩君徵藥一作餞未免一作遜

憶山愁紅燭侵明月青蛾促白頭童心久已盡豈為艷歌

留

送友人還洛

去國渡關河蟬鳴古樹多平原正起忽行子復蹉跎去一作

往事不可想舊遊難再過何當嵩岳下相見在煙蘿

送戴徵士還山

二卷後此起

柔柔錦臆雉相送到煙霞獨隱空山裏
閒門幾樹花草生
楊柳岸鳥嘯竹林家肥遯招然逝優游興味賒一作不

謀生拙無為未路賒

秋日旅舍別司空文明

涼風颭窮巷秋思滿同一作高雲吏隱俱不就此心仍別君

素懷宗淡泊羈旅念功勳轉憶西林寺江聲月下聞

送樂平苗明府得家字

本是求彭澤誰云道里賒山從石壁斷江向戈陽斜草色

隨楓樹雲陰暗荻花諸侯舊調鼎應重宰臣家

下三十一行大

旅舍對雪贈考功王員外

楊花驚滿路趨市忽狂風驟下搖蘭葉輕飛集竹叢欲將

瓊樹比不共玉人同獨望微之棹青山在雪中

送丁少府往塘上

因君灞陵別故國一迴看共食田文飯先之梅福官江風

薄日暮山月滿潮寒不得同舟望淹留歲月闌

贈李龜年

青春事漢主白首入秦城遍識才人字一作時人號多知舊曲

名風流隨故事語笑合新聲獨有垂楊樹偏傷日暮情

同苗員外宿慶福寺

安仁秋興動涼夜宿僧房倚仗雲離月垂簾竹有霜迴風
吹遠徑墮葉颯長廊一與交親一作高僧會空貽別後傷

早春夜集耿拾遺宅

如何逋客會忽在侍臣家新草猶亭雪寒枝未放一作稱花
啣杯雞欲唱逗月鴈應斜年齒俱顛顛誰堪故國賒

送郭補闕歸江陽

一作上

東門春尚淺楊柳未成陰鴈影愁斜日鶯聲怨故林隋宮
江上遠梁苑雪中深獨有懷歸客難為欲別心

早春會王達主人得蓬字

今年華鬢色半在故人中欲寫無窮恨先期一醉同綠叢
猶覆雪紅萼已凋風莫負歸山契君看陌上蓬

宿山寺思歸

僧房秋雨歇愁卧夜更深欹枕聞鴻鴈迴燈見竹林歸螢
入草盡落月映窓沉拭淚無人覺長誼向壁陰

送客赴湘江

識君年已老孤棹向瀟湘素髮臨高鏡清晨入遠鄉三山
分夏口五兩映洛陽更逐巴江一作東客南行淚幾行

送客赴江陵寄郢州郎士元

露下晚蟬秋詩人舊怨愁沅湘莫留滯宛洛好遨遊飲馬
逢黃菊離家值白頭竟陵明月夜為上庾公樓

送客賦得巴江夜猿

巴水天邊路啼猿傷客情遲々雲外盡杳々樹中生殘月
暗將落空霜寒欲明楚人皆掩淚聞到第三聲

宿興善寺後池

草堂高樹下月向後池生野客同僧靜坐一作新荷共水平
錦鱗沉不食繡羽亂相鳴即事思江海誰能萬里行

雨後遊輞川

驟雨歸山盡顏陽入輞川看虹登晚墅踏石過春泉紫葛
截仙井黃花出野田自知無路去迴步就人煙

秋日憶棟上人

一從持鉢別更未到人間好靜居貧寺遺名棄近山雨前
縫百衲葉下閉重關若便潯陽去須將舊客還

張左丞挽歌二首

渦集鈞方失穴生劍忽飛無由就日拜空憶自天歸門吏
看還葬宮官識賜衣東堂哀贈畢從此故臣稀

素旆低寒水清笳出曉風鳥來傷賈傳馬立駕一作滕公
松柏青山上城池白日中一朝今古隔唯有月明同

寄上舍人叔

車馬朝初下看山憶獨尋會知逢水盡且愛入雲深殘雨
開斜日新蟬發遠林阮咸雖別巷遙識此時心

送古之奇赴安西幕

疇昔十年兄相逢五校營今宵舉杯酒隴月見軍城烽火
經陰絕邊人接曉行殷勤送書記強虜幾時平

送張芬歸江東兼寄柳中庸

久是天涯客偏傷木落時如何故國見更欲異鄉期鳥暮
東西急陂寒上下遲空將滿眼淚千里怨相思

送友人南遊

聞說湘川路年々古木多猿啼巫峽雨月照洞庭波窮海
人還去孤城鴈共過青山不可到來往自蹉跎

送丘丹歸江東

故山霜落久才子憶荆扉旅舍尋人別秋風逐鴈歸夢愁
楓葉盡醉惜菊花稀肯學求名者經年未拂衣

卧病寄苗員外

故人初未貴相見得淹留一自朝天去因成計日遊月明
應獨醉葉下肯同愁因一作恨劉楨病空園卧見秋

送鄭侍御赴洪州

草色隨驄馬悠悠共出秦水傳雲夢曉山接洞庭春帆影
連三峽猿聲在四隣青門一分手難見杜陵人

晚游東田寄司空文明

暮來思遠客獨立在東田片影無妨兩殘虹不映天別愁
逢夏果歸興入秋蟬莫作隳官意陶潛未必賢

賦得山泉送房造

泉水山邊去高人月下看潤松秋色淨落日夜聲寒委曲
穿深竹潺湲過淺灘聖朝無隱者早晚罷漁竿

送袁文楊皋擢第歸江東

隋堤望楚國江上一歸人綠氣千樞暮青風萬里春試才
初得桂泊渚肯傷蘋拜手終悽愴恭承中外親

題鄭少府林園

謝家今日晚一作暖詞客願抽毫攬馬方迴影池鵝正理毛
竹筒傳水遠塵尾坐僧高獨有宗雷賤過君著弊袍

題從叔沆林園

阮宅閒園暮窓中見樹陰樵歌依遠草僧語過長林鳥上
花間井人彈竹裡琴自嫌身未老已有住山心

送吉中孚拜官歸業

南入華陽洞無人古樹寒吟詩開舊訣帶綬上荒壇因病
求歸易霑恩更隱難孟宗應獻鮓家近守漁官

送楊少府赴陽翟即舍人弟

冠帶仁兄後光輝壽母前陸雲還入洛潘岳更張筵井邑

嵩山

一作丘

對園林潁水連東人欲相送旅舍已潸然

同皇甫侍御題惟一上人房

焚香居一室盡日見空林得道輕年暮安禪愛夜深東西
皆是夢存沒豈關心唯羨誰童子持經在竹陰

青龍寺題故曇上人房

遠公留故院一徑雪中微童子逢皆老門人問亦稀翻經
徒有處携履遂無歸空念尋巢鶴時來傍影飛

慈恩寺暎上人房招耿拾遺

悠然對惠遠共結故山期汲井樹陰下開門亭午時地閒
花落厚石淺水流遲願與神仙客同來事本師

宿山寺雪夜寄吉中孚

獨愛僧房竹春來長到池雲遮皆晃朗雪壓半低垂不見
侵山葉空聞拂地枝鄙夫今夜興唯有子猷知

贈趙神童

聖朝殊漢令才子少登科每見先鳴早常驚後進多獨居
方寂寞相對覺蹉跎不是通家舊頻勞文舉過

宿雲際寺贈深上人

暫別青藍寺今來髮欲班獨眠孤燭下風雨在前山壞宅
終須去空門不易還支公有方便一願啓玄關

送從兄赴洪州別駕善琴

援琴兼愛竹遙夜在湘沅鶴舞月將下烏啼霜正繁亂流
喧橘岸飛雪暗荆門佐郡無辭屈其如相府恩

山中期張芳不至

古堤春草碧雙燕向西飛悵望雲天暮佳人何處歸藥攔
蟲網遍苔井水痕稀誰道嵇康懶山中自掩扉

酬前大理評事張芬

君家舊林壑寄在亂峯西近日春雲滿相思路亦迷聞鍾
投野寺待月過前溪悵望成幽夢依、識故蹊

寄暢當

麥秀草芊芊幽人好晝眠雲霞生嶺上猿鳥下牀前顏子
方敦行支即久住禪中林輕暫別約畧已經年

送義興元少府

逢君惠連弟初命便光輝已得群公祖終妨一作微太傳說
路長人反顧草斷鷺迴飛本是江南客還同錦衣歸

卧病別鄭陽

病來喜無事多卧竹林間此日一相見明朝還掩關幽人
愛一作怨芳草志士惜頽頽歲晏不我棄期君在故山

書志贈暢當并序

余少尚神僊且未能去友人暢當以禪門見導余心知必
是未得其門因寄詩以咨焉

少嘉神仙術未去已蹉跎壯志一為累浮生事漸多衰顏
不相識歲暮定相過請問宗居士君其柰老何

茂陵山行招金部韋員外

宿兩一作病朝來歇空山天氣清盤雲雙鶴下隔水一蟬鳴
古道黃花落平蕪赤燒生茂陵雖有病猶得伴君行

送諸暨裴少府公先人元相公判官

山公訪秘紹趙武見韓侯事去恩猶在名成淚却流一官

同北去千里赴南州才子清風後無貽相府憂

送鄭宥入蜀迎親

寧親西陟險君去異王陽在世誰非客還家即是鄉劍門
千轉盡巴字一支長請語愁猿道無煩促淚行

關山月

露濕月蒼蒼關頭榆葉黃迴輪照海遠分彩一作影上樓長

水凍頻移暮兵疲數望鄉祗應城影外萬里共胡霜

度關山

鴈塞月初晴孤關覆雪平危樓一作竿綠廣漢古竇傍長城

拂劍金星出翻弓玉羽輕誰知係虜者賈誼是書生

送耿滄江外括圖書

驅傳一作馳道草連天回風滿樹蟬將過夫子宅前一作亦問孝

廉舡漢使收三篋周詩採百篇別君終有淚不是怨流年

送王少府遊河南

馬卿方失意東去謁諸侯過宋人應少遊梁客獨愁烏翻
千室暮蟬急兩河秋僕本無媒者因君淚亦流

送別駕赴晉陵即舍人叔之兄

諸宗稱叔父從子亦光輝謝朓中書直王祥別乘歸江帆

衝雨上海樹隔潮微雨一作阮貧無酒唯將淚濕衣

送少微上人遊蜀

削髮本求道何方不是歸松風開法席一作蓮江一作月濯

禪衣飛閣蟬鳴早漫天客去稀戴顓常執筆不覺此身非

卧病寄閻案一作寧

病中貪好景強步出幽居紫葛垂山徑黃花繞野渠荒林

飛老鶴敗堰過遊魚縱憶同年友無人可寄書

秋夜寄韋弁

獨坐知霜下開門見木衰壯應隨日去老豈與人期廢井

虫鳴早陰塔菊發遲興來空憶戴不似剡溪時

晚夏聞蟬寄廣文

昨日鶯轉聲今朝蟬忽鳴朱顏向華髮定是幾年程故國

白雲遠閒居青草生因垂數行淚書報十年兄

宿華陽洞寄元稱一作元陽親寄元稠

花洞晚陰、仙壇隔杏林漱泉春谷冷擣藥夜窓深石上

開仙酌松間對玉琴戴家溪北住雪後去相尋

歸山居寄錢起

悵望青山下回頭淚滿巾故鄉多古樹落日少行人髮鬢

將回色簪纓未到身誰知武陵路亦有漢家臣

春遊樂

柘彈連錢馬銀鈎後墮鬟摘桑春陌上踏草夕陽間意合
辭先露心誠貌却閑明朝若相憶雲雨出巫山

曉發瓜洲

曉發悲行客停橈獨未前寒江半有月野戍漸無煙棹唱
臨高岬鴻嘶發遠田誰知避徒御對酒一潸然

江上喜逢司空文明

秦人江上見握手淚沾襟落日見秋草暮年逢故人非夫

長作客多病淺謀身臺閣舊親友誰曾見苦辛

同苗發慈恩寺避暑

追涼尋寶剎畏日望璇題卧草同駕侶臨池似虎溪樹間
人跡外山晚鳥行西若問無心法蓮花隔滌泥

送潘述宏詞下第歸江外

唱高人不和此去淚難收上國經年住一作信長江滿目流
奕棊知勝偶射策請焚舟應是田京兆玄成許邇遊

李端集卷第三

五言律詩

酬秘書元丞郊園卧疾見寄

聞說漳濱卧題詩怨歲華求醫主高手報執一作疾到貧家
撤枕銷行蟻移杯失畫蛇門朝九衢上應見玉人車

送成都韋丞還蜀

蜀門雲樹合高棧有猿愁驅傳加新命之官向舊遊晨裝
一作衰逢酒兩夜夢見刀州遠別長相憶當年莫滯留

晚秋旅舍寄苗員外

爭途苦不前貧病遂連牽向暮同行客當秋獨長年晚花
唯有菊寒葉已無蟬吏部逢今日還應甕下眠

送惟良上人歸潤州

擬詩偏不類又送上人歸寄世同高鶴尋仙一作山稱壞衣

兩行江草短露坐海帆稀正被空門縛臨岐乞解圍

元丞宅送朝澹及第東歸親省

登龍兼折桂歸去賞高居一作廬舊楚楓猶暗前隋柳已疎

月中逢海客浪裏得鄉書見說江邊住知君不厭魚

送何兆下第還蜀

重江不可涉孤客莫晨裝高木莎城小殘星棧道長裊猿
楓子落過雨荔枝香勸爾成都住文翁有草堂

早春雪夜寄盧綸呈祕書元丞

聞君隨謝朓春夜宿前川
看竹雲垂地尋僧雪滿船
寒方入樹魚樂稍離泉
獨是羈愁客唯知惜故年

送友人宰湘陰

從宦舟行遠浮湘又入閩
蒹葭無朔鴈檉栝有蠻神
傳吏閑調象山精暗訟人
唯須千樹橘暫救李衡貧

送元晟歸江東舊居

澤國舟車接關門兩雪垂
春天行故楚夜月下清淮
講易居山寺論詩到郡齋
蔣家人暫別三路草連階

送黎少府赴陽翟

詩禮稱才子神仙是丈人
玉山那惜醉金谷已無春
白馬如風疾青袍奪草新
不嫌鳴吠客願用百年身

送夏侯審遊蜀

西望煙綿樹愁君上蜀時
同林宿商客隔棧見眾師
石滑羊腸險山空杜宇悲
琴心本幽怨莫奏鳳凰詩

單推官廳前雙桐詠

封植因高興孤真契素期
由來得地早何事結花遲
葉重凝煙後條寒過雨時
還同李家樹爭賦角弓詩

送宋校書赴宣州幕

浮舟壓芳草容裔逐江春
遠避看書吏行當入幕賓
夜潮衝老樹曉雨破輕蘋
鴛鴦多傷別樂家德在人

送趙給事姪尉丹陽

太傅憐群從門人亦賤回
入官先愛子賜酒許待一作同杯
淮海春多雨蒹葭夜有雷
遙知拜慶後梅尉稱仙才

宿瓜洲寄柳中庸

懷人同不寐清夜起論文
月魄正出海鴈行斜上雲
寒潮來灑灑秋葉下紛紛
便送江東去徘徊祇待君

夜宴虢縣張明府宅逢宇文評事

號田留古宅入夜足秋風
月影來窓裏燈光落水中
徵詩逢謝客飲酒得陶公
更愛踈籬下繁霜濕菊叢

山下泉

碧水映丹霞澌澌度一作露淺沙
暗通山下草流出洞中花
素色和雲落喧聲遶石斜
明朝更尋去應到阮郎家

冬夜集張尹後閣

乘龜兼戴豸白面映朱衣
安石還須起泉明不得歸
鷹門常吏在登席舊寮稀
遠客長先醉那知互相威

將之澤潞留別王郎中

弱年知己少前路主人稀貧病期相惜艱難又憶歸事成
應未卜身賤又無機幸到龍門下須因羽翼飛

晚次巴陵

雪後柳條新巴陵城下人烹魚邀水客載酒奠山江一作神

雲去低一作歸斑竹波迴一作風來動白蘋不堪逢楚老日暮正

一作江春

奉和王元二相公於中書東廳避暑

悽然懷杜太尉

艱難常共理每晏更相悲况復登堂處分明避暑時綠槐

千樹一作總綻一作暗紅藥一番遲蓬華今何幸先朝大雅詩

奉王泌自東京至

逢君自鄉至雪涕問田園幾處生喬木誰家在舊村山峯
橫二室水邑映千門愁見游從處如今花正繁

送荀道士歸廬山

先生歸有處欲別笑無言綠水到山口青林連洞門月明
尋石路雲霽望花源早晚還乘鶴悲歌向故園

送張淑歸覲叔父

日慘長亭暮天高大澤閑風中聞草木雪裏見江山馬向
塞雲去人隨古道還阮家今夜樂應在竹林間

送郭參軍赴絳州

登車君莫望故絳柳條春蒲澤逢胡鴈桃源見晉人佐軍
髯尚短擲地思還新小謝常攜手因之醉路塵

邊頭作

邠郊泉脉動落日城樓羊馬水草足羗胡帳幕稠射鵬
過海岸殘一作拾箭怯邊州何事歸朝將今年又拜侯

送袁稠游江南

江南衰草遍十里見長亭客去逢搖落鴻飛入杳冥空城
寒雨細深院曉燈清欲去行人起徘徊恨酒醒

韋員外東齋看花

入花凡幾步此樹獨將留發艷紅枝合垂煙綠水幽併開
偏覺好未落已成愁一到芳菲下空招兩鬢秋

送友人遊江東

江上花開盡南行見杪春鳥聲悲古木雲影入通津返景
斜連草迴潮暗動蘋謝公今在郡應喜得詩人

與鄭饒遊春

東門垂柳長西首獨心傷日暖臨芳草天晴憶故鄉映花
鶯上下過水蝶飛揚借問同行客今朝淚幾行

送魏廣下第揚州覲省

遊宦今空返浮淮一鴈秋白雲陰澤國青草遶揚州調膳
過花下張筵到水頭崑山仍有玉歲晏莫淹留

送夏中丞赴寧國任

楚縣入青楓長江一派一作棹通板橋尋謝客古邑事陶公

片雨收山外連雲上漢東陸機猶滯洛念子望南鴻

送衛雄下第歸同州

下才先上第詞客却空還邊地行人少平蕪盡日閑一蟬
陂樹裏衆火隴雲間羨汝歸茅屋書窓見遠山

送單少府赴扶風

少年趨盛府顏色比花枝范丐非童子楊脩豈小兒叨陪
丈人行常恐阿戎期此去雲霄近看君逸足馳

題山中別業

舊宅在山中閑門與寺通往來黃葉路交結白頭翁晚笋
難成竹秋花不滿叢生涯祇鹿麕耦吾豈諱言窮

巫山高和皇甫拾遺

巫山十二峯皆在碧虛中迴合雲藏日霏微雨帶風猿聲
寒度過一作水樹色暮連空愁向高堂望清秋見楚宮

山中期吉中孚

行人路不同花落到山中水暗蒹葭霧月明楊柳風羊華
驚已擲志業颯然空何必龍鍾後方期事遠公

雲際中峰

一作雲際中峯
喜見苗發

自得中峰住深林亦閉關經秋無客到入夜有僧還暗澗
泉聲小荒村樹影閑高窓不可望星月滿空山

贈衡岳隱禪師

舊住衡州寺隨緣偶北來夜禪山雪下朝汲寺

一作竹門開

半偈傳初盡群生意未迴唯當與樵者錫杖入天台

雨雪曲

天山一丈雪雜雨夜霏霏濕馬胡歌亂經烽漢火微丁零
蘇武住踈勒范羗歸若看關頭下長榆葉定稀

送司空文明歸江上舊居

野菊有黃花送君千里還鴻來鷺又去離別惜容顏流水
通歸夢行雲失故關江風正搖落宋玉莫登山

送新城戴叔倫

遙想隋堤路春天楚國晴白雲當海斷青草隔淮生鴈起
斜還直潮回遠復平菜蕪不可到一醉送君行

送雍丘任少府

叢車餞才子路走許東偏遠水同春色繁花勝雪天鳥行
侵楚邑樹影向殷田莫學生鄉思梅真正少年

送雍州

厭即思出守遂領漢東軍望月逢殷浩緣江送范雲城閑
煙草遍浦迴雪林分誰伴樓中空一作宿吟詩估客聞

宿憶江上皎然上人

未得從師去人間萬事勞雲門不可見山水已應高向日
開柴戶驚秋問弊袍何由宿峯頂窓裏望波濤

聞吉中孚還俗因而有此贈

聞道華陽客儒衣謁紫微舊山連藥賣孤鶴帶雲歸柳市
名猶在桃源夢已稀還家鷗鳥應媿背船飛

岳陽逢司空文明得關中書

共有髫年故相逢萬里餘新春兩行淚舊國一封書夏口
帆初泊洛陽鴈正踈唯應執杯酒暫食漢江魚

過宋州

睢陽陷虜日外絕救兵來世亂忠臣死時清明主哀荒郊
春草遍古壘野花開欲為將軍哭東流水不迴

宿深上人房聽遠泉

泉聲宜遠聽入夜對支公斷續來方盡潺湲咽又通何年
出石下幾里在山中君問源窮處禪心與此同

寄王密卿

酒樂今年少僧期近日頻買山多為竹卜宅不緣貧志業
歸初地文章寄此身私康雖有病猶得見情人

與蕭遠上人游少華山寄皇甫侍御

尋危兼採藥渡水又登山獨與高僧去逍遙落日間漸看
閭里遠自覺性情閑迴首知音在因令悵望還

代宗挽歌

祖庭三獻罷嚴衛百靈朝警蹕移前殿宮車上渭橋寒霜
凝羽葆野吹咽笳簫已向新京兆誰云天路遙

代村中老人答

京洛風塵後村鄉煙火稀少年曾失所衰暮欲何依夜靜
臨江天寒踏雪歸時清應不見言罷淚盈衣

贈故將軍

平生在邊日鞍馬若流星獨出門千里相知滿九州恃功
凌主將作氣見王侯誰道廉頗老猶能報遠讎

送陸郎中歸田司空幕

漢家分別宿東土佐諸侯結束還軍府光輝過御溝農桑
連紫陌分野入青州覆被恩難報西看成白頭

酬晉侍御見寄

野客蒙詩贈殊恩欲報難本求文學識不在子真官細兩
雙林暮重陽九日寒貧齋一叢菊願與上賓看

送銅澤王歸城

昔聞公族出其一作賓從亦高車為善唯求樂分貧必及踈
身承漢枝葉手習魯詩書尚說無功德三年在石渠

江上別柳中庸

秦人江上見握手便霑衣近日相知少往年親故稀遠遊
何處去舊業幾時歸更向巴陵宿堪聞鴈北飛

題崔端公園林

上士愛清輝開門向翠微抱琴看鶴去枕石待雲歸野坐
苔生席高眠竹掛衣舊山東望遠惆悵暮花飛

喜皇甫郎中拜諭德兼集賢學士

為郎三載後寵命一朝新望苑遷一作千詞客儒林拜丈人
鶯飛綺閣曙柳拂畫堂春幾日調金鼎諸君欲望塵

送黎兵曹往陝府結婚

東方發車騎君是上頭人莫鴈逢良日行媒及仲春時稱
渡河婦宜配坦床賓安得同門吏揚鞭入後塵

送竇兵馬

梨花開上苑遊女著羅衣聞道情人怨應須走馬歸御橋
遲日暖官渡早鶯稀莫遣佳期過看一作蝴蝶飛

留別故人

此別不可道此心當典誰春風灞水上飲馬桃花時誤作
好文士祇應遊宦遲留書下朝客我有故一作湖山期

奉送宋中丞使河源

東周遣戍役才子欲離群部領河源去悠悠隴水分笳聲
悲塞草馬首度關雲辛苦逢炎熱何時及漢軍

都亭驛送郭判官之幽州幕府

幕府參戎事承明伏奏歸都亭使者出杯酒故人違細雨
霽官騎輕風拂一作掃客衣還從大夫後吾黨亦光輝

送王羽林往秦州

秦州貴公子漢日羽林郎事主來中禁榮親上北堂輜車
花擁路寶劍雪生光直掃三邊靖承恩向建章

送友入關

聞君帝城去西望一沾巾落日見秋草暮年逢故人非干
長作客有命懶謀身近更嬰衰疾空思老漢濱

李端集卷第四

五言排律

送彭將軍雲中覲兄

聞說蒼鷹守今朝欲下韝因令白馬將兼道覓封侯畧地

關山冷防河雨雪稠翻弓騁猿臂承箭惜貂裘設伏軍謀
密坑降塞邑愁報恩唯有死莫使漢家羞

長安書事寄盧綸

弱冠家廬岳從師歲月深翻同老夫見殊寡少年心及此
時方晏因之名亦沉趨途非要路避事樂空林素業在山
下青泉當樹陰交游有凋喪離別代追尋向秀初聞笛鍾
期夕罷琴殘愁猶滿貌餘淚可沾襟勿以朱顏好而忘白
髮侵終期入靈洞相與鍊黃金

酬丘拱外甥覽余舊文見寄

丘遲本才子始冠即周旋舅乏却鑿愛君如衛玠賢禮將
金友等情向玉人偏鄙俗那勞似龍鍾却要憐枚博聊取
笑贈綺一何妍野坐臨黃菊溪行踏綠錢巖高雲反下洞
黑水潛穿僻嶺猿偷栗枯池鴈唳蓮身居霞外寺思發月
明田一作天猶恨縈塵網昏過歲年

贈岐山姜明府

昨夜聞山雨歸心便似遲幾迴驚葉落即到白頭時鴈影
將魂去蟲聲與淚期馬卿兼病老宋玉對秋悲謝客終為
別陶公已見思非閑口腹累自是雪霜姿釀酒栽黃菊炊
粳折綠葵山河方入望風日正宜詩牧豎寒騎馬邊烽晚
立旗蘭凋猶有氣柳脆不成絲別後如相問高僧一作吟知
所之

下第上薛侍郎

蓬華春風起開簾却自悲如何飄梗處又到採蘭時明鏡
方重照微誠寄一辭家貧求祿早身賤報恩遲幸得皮存
矣須勞翼長之銘肌非厚荅肉骨是前期縱覺新人好寧
忘舊主疑終慙太丘道不為小生私

奉贈苗員外

朱戶敞高扉青槐礙落暉八龍承慶重三虎迎朝歸坐竹
人聲絕橫琴鳥語稀花慙潘岳貌羊稱老萊衣葉暗新櫻
熟絲長粉蝶飛應憐魯儒賤空與故山違

奉和祕書元丞杪秋憶終南舊居

高門有才子能履古人蹤白社陶元亮青雲阮仲容田園
忽歸去車馬杳難逢廢巷臨秋水支頤向暮峰行魚避楊
柳驚鴨觸芙蓉石竇紅泉細山橋紫菜重鳳雛終食竹鶴
侶暫巢松願接煙霞賞羈離計不從

送歸中丞使新羅

東望扶桑日何年是到時片帆通雨露積水隔華夷浩淼
風來遠虛冥一作鳴鳥去遲長波靜雲月孤鳥宿旌旗別業
傳秋意迴潮動客思滄溟無舊路何處問前期

暮春尋終南柳處士

龐眉一居士鷄服隱堯時種萱初成畝還丹舊日師入溪
花徑遠向嶺鳥行遲紫葛垂苔壁青菰映柳絲偶來塵外
事暫與素心期終恨遊春客同為歲月悲

游終南山因寄蘇秦禮士苗員外

半嶺逢仙駕清晨獨採芝壺中開白日霧裡卷朱旗猿鳥

知歸路松蘿見會時雞聲傳洞遠鶴語報家遲童子閒驅
石樵夫樂看棊依稀醉後拜恍惚夢中辭海上終難接人
間益自疑風塵甘獨老山水但相思願得燒丹訣流沙永
待師

雪夜尋太白道士

雪路夜朦朧尋師杏樹東石壇連竹靜醮火照山紅再拜
開金籙焚香使玉童蓬瀛三島至天地一壺通別客曾留
藥逢舟或借風出游居鶴一作上避禍入羊中過洞偏迴
首登門未發蒙桑田如可見滄海幾時空

得山中道友書寄苗錢二員外

有謀皆輒軻非病亦遲迴壯志年々減馳暉日日催還山
不及伴到闕又無媒高卧成長策微官稱下才詩人識何
謝居士別宗雷跡向塵中隱書從谷口來藥欄遭鹿踐澗
戶被猿開野鶴巢雲竇遊龜上水苔新歡追易失故思渺
難裁自有歸期在勞君示劫灰

酬前駕部員外郎苗發

馬融方且校閱簡復持鉛素業高風繼青春壯思全論文
多在夜宿寺不虛年自署區中職同荒郭外田山隣三徑

絕野意八行傳煮玉矜新法留符識舊仙
涵苔溪溜淺搖浪竹橋懸復洞潛棲鸞
踈楊半翳蟬詠歌雖有和雲錦獨成妍
應以馮唐老相譏示此篇

宿薦福寺東池有懷故園因寄元校書

暮雨風吹盡東池一夜涼伏流迴弱苻
明月入垂楊石竹閑開碧薔薇暗吐黃
倚琴看鶴舞搖扇召一作引桐香舊筍
方辭籜新蓮未滿房林幽花晚發地遠
草先長撫枕愁華鬢凭欄想故鄉露餘
清漢直雲卷白榆行驚鵲仍依樹遊魚
不過梁繫舟偏憶戴炊黍願期張末路
還思借前恩詎

敢忘從來叔夜懶非是接輿狂衆病嬰
公幹群憂集孝璋慙將多誤曲今日獻周郎

送王副使還并州

并州近胡地此去事風沙鐵馬垂金絡
貂裘犯雪花曾持兩郡印多比五侯家
繼世新恩厚從軍舊國賒戍煙千里直
邊鴈一行斜想到青油幕長謀出左車

哭張南史因寄南史姪叔宗

爭路忽摧車沉鈞未得魚結文唯我少
喪舊自君初諫草文難似園基智不如
仲宣新有賦叔夜近無書地閉滕公

宅山荒謝客廬
穢良從此恨福善竟成虛
釀酒多同醉烹雞或取魚
阮咸雖永別豈共仲容踈

晚春過夏侯校書遠其沉醉戲贈

歌冠枕如意獨寢落花前
姚馥清時醉邊韶白日眠
曝禪還當屋張幕便成天
謁客唯題鳳偷兒欲覘羶
失杯猶離席墜屣返登筵
本是墻東隱今為甕下僊
卧龍髯乍磔栖蝶腹何便
阮籍供琴韻陶潛餘林田
人逢穀陽望春似永和
羊顧我非工飲期君行見
憐嘗知羯羠好亦覺醉胡
賢炙熟搏方竭車回轄且
全喫風仍作雨灑地即成
泉自鄙

新豐過遲迴惜十年

七言律詩

題元注林園

謝家門館似山林
碧石青苔滿樹陰
乳鵲貯巢花巷靜
鳴鳩鼓翼竹園深
桔槔轉水兼通藥
方丈留僧共聽琴
獨有野人箕踞慣
過君始得一長吟

閒園即事贈考功王員外

南陌一作北晴雲稍變霞
東風動柳水紋斜
園林帶雪潛生草
桃李雖春未有花
幸接上賓登鄭驛
羞為長女似黃家

今朝一望還成暮一作夢欲別芳菲戀歲華

寄廬山真上人

高僧無跡本難尋更得禪行去轉深
青草湖中看五老白雲山上宿雙林
月明潭色澄空性夜靜猿聲證道心
更謝說公南座好煙蘿到地幾重陰

題覺公新蘭若

頭白禪師何處還獨開蘭若樹林間
鬼因巫祝傳移社神見天人請施山
猛虎聽經金磬動獼猴獻密雪窓閑
新齋結誓如相許願與雷宗永閉關

贈道者

空中忽有鶴飛聲方士因知道欲成來
取圖書安枕裏便驅雞犬向山行
花開深洞仙門小路過懸橋羽節輕
送客自傷身易老不知何處待先生

送皎然上人歸

適來世上豈緣名適去人間豈為情
古寺山中幾日到高松月下一僧行
雲陰鳥道苔方合雪映龍潭水更清
法主欲歸頂有說門人流淚厭浮生

妾薄命

玉壘城邊爭走馬，銅駝市裏共乘舟。
鳴環動珮恩無盡，掩袖低巾淚不流。
疇昔將歌邀客醉，如今欲舞對君羞。
恐懷賤妾平生曲，獨上襄陽舊酒樓。

直中書見寄

名卿步月正淹留，上客裁詩怨別遊。
素魄近成班女扇，清光遠似庾公樓。
嬋娟更稱憑高望，皎潔能傳自古愁。
盈手入懷皆不見，陽春曲麗轉難酬。
一作誰酬

宿淮浦憶司空文明

愁心一倍長離憂，夜思千重戀昔游。
秦地故人成遠夢，楚

天涼雨在孤舟，諸溪近海潮皆應。
獨樹邊淮葉盡流，別恨最深何處寫。
前程唯有一登樓。

夜投豐德寺謁海上人

又見盧綸集

半夜中峯有磬聲，偶尋一作逢樵者問山名。
上方月曉聞僧

語，下界林疎見客行。
野鶴巢邊松最老，毒龍潛處水偏清。
願得遠公知姓字，焚香洗鉢過餘生。

卧病聞吉中孚拜官寄元祕書昆季

漢家採使不求聲，自慰文章道欲行。
毛遂登門雖異賞，韓非入傳濫齊名。
雲歸暫愛青山出，客去還愁白髮生。
年少

奉親皆願達敢將心事向玄成

送濮陽錄事赴忠州

成名莫歎雙旌遠主印還為一郡雄
赤葉黃花隨野岸青山白水映江楓
巴人夜話孤舟裏越鳥春啼衆壑中
聞說古書多未校肯令才子各西東

贈道士

姓字不書高士傳形神自得逸人風
已傳花洞將秦接更指茅山典蜀通
懶說歲年齊絳老甘為鄉曲號涪翁
終朝賣卜無人識弊服徒行入市中

贈郭駙馬二首

郭令公子暖昇平
公主令於席上成

青春都尉最風流二十功成便拜侯
金距鬪雞過上苑玉鞭騎馬出長楸
熏香荀令偏憐小傅粉何郎不解愁
日暮吹簫楊柳陌路人遙指鳳凰樓
方塘似鏡草芊芊初月如鉤未上絃
新開金埒看調馬舊賜銅山許鑄錢
楊柳入樓吹玉笛芙蓉出水妬花鈿
今朝都尉如相顧願脫長裾逐少年

江上逢柳中庸

舊住衡山曾夜歸見君江客憶荆扉
星沉嶺上人行早月

過湖西鶴唳稀弱竹萬株頻礙憤新泉數步一褰衣今來
唯有禪心在鄉路翻成向翠微

戲贈韓判官紳卿

少尋道士居嵩嶺晚事高僧住沃州齒髮未知何處老身
名且被外人愁欲隨山水居茅洞已有田園在虎丘獨惟
子猷綠掌馬雪時不肯更乘舟

送周長史

青楓樹裏宣城郡獨佐諸侯上板橋江客亦能傳好信山
僧多解說南朝雲陰出浦看帆小草色連天見鴈遙別有

空園落桃李知將絲組繫蘭橈

送侯道士南歸

南入商山松路深石林溪水畫陰陰雲中採藥隨青節洞
裏耕田映綠林直上煙霞空舉手迴經丘壠自傷心武陵
花木應長在願與漁人更一尋

題雲際寺準上人房

高僧居處似天台錫杖銅瓶對綠苔竹巷雨晴春鳥轉山
房日午老人來園中鹿過椒枝動潭底龍游水沫開獨夜
焚香禮遺像空林月出始應回

山中寄苗員外詩題

鳥鳴花發空山裏，衡岳幽人藉草時。
既近淺流安筆硯，還因平石布著龜。
千尋楚水橫琴望，萬里秦城帶酒思。
聞說潘安方寓直，與君相見漸難期。

武木題故將軍莊

魯將數騎過

一作戰

桑乾遙對單于飭，馬鞍塞北征兒語。
一作

思用劒關西宿將許，登壇田園蕪沒歸耕晚。
弓箭開離出獵難，唯有老身如刻畫。
猶期聖主解衣看。

空國憶故山贈司空文明

漢主金門正召才，馬卿多病自遲迴。
舊山暫別老將至，芳草欲闌歸去來。
雲在高天風會起，年如流水月長催。
知君

素有棲禪意，歲晏蓬門遲爾開。

一作待爾開

野寺病居喜盧綸見訪

青青麥隴白雲陰，古寺無人新草深。
乳燕拾泥依古井，鳴鳩拂羽歷花林。
千年馭薛明山履，萬尺垂蘿入水心。
一卧漳濱今欲老，誰知才子忽相尋。

五言絕句

同司空文明過聖上人故院

我與雷居士平生事約公無人知是舊共到影堂中
送郭良輔下第東歸

獻策不得意馳車東出秦暮年千里客落日萬家春

自從君棄妾憔悴不羞人唯餘粧粉淚未免映衫勻

送曠上人遊春

獨將支遁去欲往戴顓家晴野人臨水春山樹發花

晦日同苗員外遊曲江

晦日同攜手臨流一望春可憐楊柳陌愁殺故鄉人

溪行逢雨與柳中庸

日落衆山昏蕭蕭暮雨繁那堪兩處宿共聽一聲猿

和張尹憶東籬菊

傳書報劉尹何事憶陶家若為籬邊菊山中有此花

感興

香爐最高頂中有高人住日暮下山來月明上山去

金幽居作

山舍千年樹江亭萬里雲迴潮迎伍相驟雨送湘君

題雲際寺曠上人故院

白髮忽如色青山草心遠公仍下世從此別東林

鳴箏金粟柱素手玉房前欲得周郎顧時時誤拂絃

孔融過五十海內故人稀相府恩猶在知君未拂衣

薦福寺送元偉

送客攀花後尋僧坐竹時明朝莫回望青草馬行遲

哭苗垂

舊友無由見孤墳草欲長月斜鄰笛盡車馬出山陽

雜詩

主弟辭高飲石家赴宵會金谷走車來玉人騎馬待

客行贈馮著

旅行雖別路日暮各思歸欲下今朝淚知君亦濕衣

蕪城懷古

風吹城上樹草沒城邊路城裏月明時精靈自來去

贈山中老人

白首獨一身青山為四隣雖行故鄉陌不見故鄉人

拜新月

開簾見新月便即下階拜細語人不聞北風吹裙帶

文章似揚馬風骨又清羸江漢君猶在英靈信未衰

風也七言絕句

江上送客

故人南去漢江陰秋雨蕭蕭雲夢深江上見人應下淚由

來遠客易傷心

月落星稀天欲明孤燈未滅夢難成披衣更向門前望不

怨朝來鵲喜聲

問張山人疾

先生沉病意何如蓬艾門前客轉疎不見領徒過絳帳唯

聞典婢削丹書

重送鄭宥歸蜀因寄何兆

黃花西上路何如青壁連天鴈亦踈為報長卿休滌器漢

家思見茂陵書

宿石澗店聞婦人哭

山店門前一婦人哀哀夜哭向秋雲自說夫因征戰死朝

四九

來逢著舊將軍
八哀外亦哭向麻雲自寫夫曰五煥更贈

與道者別
聞說入哭

聞說滄溟今已淺
何當白鶴更歸來
舊師唯有先生在
忍見門人掩淚面
吐青聲動天無亦起為時身脚利節欲美

長門怨
曾賦得因寄於此

金壺漏盡禁門開
飛鸞昭陽侍寢迴
隨分獨眠秋殿裏
遙聞語笑自天來
以蓬文門前各轉輒不見能封豈能到

憶司空文明懷野寺舊居

自嫌野性共人疎
憶向西林更結廬
寄謝山陰許都講
昨

來頻得遠公書

聽夜雨寄盧綸

暮雨蕭條過鳳城
霏、颺、重還輕
問君此夜東林宿
聽

得荷池
一作花第幾聲

昭君詞

李陵初送子卿迴
漢月明時惆悵來
憶着長安舊游處
千門萬戶玉樓臺

門前王對臺

寒樹山前子，唯與對日，西風動，新來對春，身與春共，幾處千

張氏詩

對詩山前子，唯與對日，西風動，新來對春，身與春共，幾處千

暮雨蕭蕭，風撼寒，與一重，雲鎖，問春，此亦東林，窗如

湖海寄書

朱師詩

李端拾遺

送友人遊蜀

嘉陵天氣好，百里見，雙流帆影綠，巴字一作鍾聲出漢州

綠原春草晚，青木暮猿愁，正一作是風流地，遊人易白頭

茂陵村竹贈何

春天黃鳥轉，野迳白雲開，解帶依芳草，支頤想故山，人行

九州一作河路，樹老五陵間，誰道臨邛遠，相如自憶還

宴伊東岸

晴州無遠近，一樹一潭春，芳草留歸騎，朱櫻擲舞人，空花

對酒落小翠隔林新竟日皆携手何由遇此辰

早春夜望

舊雪逐泥沙新雷發草芽曉霜應傍鬢夜雨莫催花行矣
前逢晚歸與故國賒不勞報春盡從此惜年華

宿洞庭

白水連天暮洪波帶日流風高雲夢夕月滿洞庭秋沙上
漁人火煙中賈客舟西園典南浦萬里共悠悠

奉和元丞侍從遊南城別業

垂朱領孫子從宴在池塘獻壽回龜顧和羹躍鯉香高松

先草晚平石助泉涼餘橘期相及門生有陸郎

江山賽神

踈鼓應繁絲送神歸九疑蒼龍隨赤鳳帝子上天時驟雨
歸山疾長江下日遲獨憐遊宦子今夜泊天涯

同裴員外宿薦福寺僧舍

潘安秋興動涼夜宿僧房倚仗雲離月垂簾竹有霜暗作
迴風生遠送墜一作葉颯長廊一典交親會空貽別後傷

送張少府赴夏縣

雖為州縣職還欲抱琴過樹古聞風早山枯見雪多雞聲

連絳市馬色傍黃河太守新臨郡還聞五袴歌

送從舅成都丞廣南歸蜀

詩選作
盧綸

巴地天邊遠秦人去未歸棧長山雨響谿亂大田稀俗富
行應樂官摧祿豈微魏舒終有淚還濕甯家衣

附盧綸酬篇

自別前峰隱同為外累侵幾年清酒會此日有僧尋學稼
功還棄論邊事亦沉衆觀徒滿目專愛久離心攪髮絲垂
鏡彈絃淚濕琴訪田悲洛下寄宅憶山陰溜薄漫青石雲
橫架碧林壞簷岩障密衰草棘籬深流散俱多故憂傷併

在今唯當候高躅歸正共抽簪

長安感事呈盧綸

十五事文翰大兒輕孔融長裾遊邸第嘯傲五侯中諫獵
一朝寢論邊素未工蹉跎潘鬢至蹭蹬阮途窮貸布隣寧
典無金命未通王陵因似韞郭景遂非雄歛板辭羣彥回
車訪老農詠詩懷洛下送客憶山東沈病塊神濁清齋思
慮空羸將衛玠比冷共鄴侯同草合終遮雨荆窓不礙風
梨教通子守酒是遠師供捫虱欣時泰迎猫達歲豐原門
唯有席井飲但加葱少壯矜齊德高年覓宋聾寓書先論

懶讀易反求蒙昔慕能鳴鴈今憐半死桐秉心猶似矢搔
首忽如蓬赤葉翻藤架黃花蓋菊叢聊將呈匠伯今已學
愚公蕭世儔盧綸酬李端病中見寄山東野寺鍾昏山正陰
亂藤高竹水聲深田夫就餉還依草野
雉驚飛不過林齋沐暫思同靜室清羸已覺助禪心寂寞
日長誰問疾料君唯取古方尋

附司空曙文明一首

舊依支遁宿曾典載顯來今日空林下唯知見綠苔

贈隣翁栽松

雖過老人宅不解老人心何事殘陽裏栽松欲待陰

送劉侍御

幾人同入謝宣城未及酬恩隔死生唯有夜猿知客恨

陽溪路第三聲

野寺病居喜盧綸見訪

青：麥壠白雲陰古寺無人新草深乳燕拾泥依古井鳴
鳩拂羽歷花林千年馭薛明山履萬尺垂蘿入水心一卧
漳濱今欲老誰知才子忽相尋

華嚴金胎法華味十子思味長

斷林際風芥林十羊煖羶阻山舞萬又垂熟入木心一相

青：卷贈白雲創古寺無人待草翠原燕餘此於古井即

一碑在巖前喜盡餘良記

謝靈運第三卷

幾入同入機宣然未及 體思斷冥主靜故外然味容財

送隱者詩

翰墨於人子不稱於人 以向事交則東海外忽於前

謝靈運詩外

